

IMAQARNILIAQ AIA - Aningaasaqarnermut Inuussutissarsionermullu Ataatsimiititaq 08-11-2022

Ulloq ataatsimiiffissaq Tirsdag 08. november 2022 kl. 16:00

Ataatsimiiffissaq Kommunalbestyrelsip ataatsimiittarfia

Indholdsfortegnelse

Saqqaa.....	3
Oqaluuserisassat akuersissutigineqarneri.....	4
Nalunaarutit.....	5
Imigassanik aalakoornartortalinnik akuersissutit pillugit ilisimatitsissut.....	6
Aningaasanik ikisisarluni pinnguaatit pillugit ilisimatitsissut.....	9
Nalunaarutiginnissutininut periuseq.....	11
Meeqqerivinnut utaqquisut allattorsimaffii pillugit ilisimatitsissut.....	14
Suliniummumut tapiissuteqarnissamik qinnuteqaat: Inuusuttunut nangeqattaartoq, Tasiilaq.....	18
Tasiilami amernik mersortarfimmik ammerivimmillu pilersitsineq.....	21
Katersugaasivik Nuutoqaq katersugaasivittut akuerineqarnissaa pillugu siumut akuersissuteqarneq..	25
2023-mi politikikkut ataatsimiiffissat.....	28
Atuareernerup kingorna neqeroorut Aqqalummi atuisartut amerlassusaannik allannguineq.....	30
2023-mi suliat allaaserineqarneri.....	33
Kommunimut pilersaarummut tapiliussatut siunnersuut 1A13-2 Qimerlua, Nuuk.....	36
Kommunimut pilersaarummut tapiliussaq 4B1-2 Naternaq.....	38
Kommunimut pilersaarummut tapiliussatut siunnersuut 4B4-2 Inuusutissarsiuteqarfik, mittarfiup a	41
Tasiilami Paamiunilu inissialiortiterneq.....	44
4A8-mi sanaartorfissagissaanissaq pillugu Nukissiorfiit suleqatigiinnissamik isumaqatigiissusiorfig	49
2023-mut Missingersuutit aappassaaneerineqarnerat.....	53
Lukket.....	56
Lukket.....	57
Lukket.....	58
Lukket.....	59
Lukket.....	60
Lukket.....	61
Lukket.....	62
Lukket.....	63
Tamalaat.....	64
Imaqarniliap akuerineqarnera.....	65

IMMIKKOORTOQ .: Saqqaa

Ilaasortat

Avaaraq S. Olsen (IA) *siulittaasoq*
Juaaka Lyberth (IA)
Uju Petersen (IA)
Justus Hansen (D)
Ken Madsen (N)
Inga Dóra G. Markussen (S)
Dorthe-Marie Mogensen-Fontain (S)

Beslutning

Ataatsimeeqataasut:

Avaaraq S. Olsen (IA) *formand*
Juaaka Lyberth (IA)
Uju Petersen (IA)
Justus Hansen (D)
Inga Dóra G. Markussen (S)

Attaveqaatitigut peqataavoq:

Ken Madsen (N)
Dorthe-Marie Mogensen-Fontain (S)

IMMIKKOORTOQ .: Oqaluuserisassat akuersissutigineqarneri

Beslutning

Oqaluuserisassat akuersissutigineqarput.

IMMIKKOORTOQ .: Nalunaarutit

Beslutning

Sap. Ak. 41

12-15. okt.: Arctic Circle Assembly, Reykjavik-kimi ingerlanneqartoq siullermeerlunga peqataaffigaara. Session-it marluk peqataaffigaakka – qulequtarineqarput:

- **FOOD SOVEREIGNTY: SOLUTIONS IN THE ARCTIC**

Oqalliseqataasut:

- Áslat Holmberg, President, Saami Council, Norway.
- Lisa Koperqualuk, President, Inuit Circumpolar Council Canada.
- Patricia JohnstonCastle, Jane Glassco Northern Fellow, the Gordon Foundation, Canada.

- **YOUTH IN THE ARCTIC – CREATING ATTRACTIVE LIVING CONDITIONS**

Oqalliseqataasut:

- Patricia JohnsonCastle, Co-Chair, Social Justice Co-Op of Newfoundland and Labrador, Canada.
- Daniel Smirat, First Vice Chairman, Luleå Municipal Council, Sweden
- Laura Suorsa, Trainee, European Capital of Culture, Oulu2026
- UllaKirsikka Vainio, Mayor, City of Rovaniemi, Finland
- Ásthildur Sturludóttir, Mayor, Municipality of Akureyri, Iceland
- Anders Josefsson, Deputy Mayor, City of Luleå, Sweden
- Mirja Vehkaperä, Chair, City Board, Oulu, Finland; Member EU Committee of Regions
- Kenny Bell, Mayor, City of Iqaluit, Canada
- Ane Hansen, Mayor of Kommune Qeqertalik, Greenland Tikinngitsoornini pissutigalugu peqataanngitsoorpoq.

Sap. Ak. 42

21. okt.: AIA immikkut ataatsimiippoq.

22. okt.: Maligassiuusut Show peqataaffigaara - Kalaallit Nunaanni Timersoqatigiit Kattuffiat, Paarisa aamma Elite Sport Greenland timersornep aamma peqqissutsip silarsuaani nersorniarneqarnerinik tunngaveqarpoq.

Sap. Ak. 43

26. okt.: Sermeq Fondenimi siulersuisuini ataatsimiippugut – Pingaarnertut eqqartorpagut, Sermeq Puljenip matuniarneranut killiffik, aamma Projektit taperneqartut pillugit eqqartuivugut.

Sap. Ak. 44

1. nov.: Oqartussaaqataanerup ullua – Ulloq Folketingimut qinersineq.

4. nov.: Arsarnerit Inuusuttai AHL-imi ingerlanneqarpoq, ukioq manna qulequtarineqarpoq ”Aalasa” Meeqqat ”Aalasa”-mut tunngasumik suliaqarsimasut nalilersueqataaffigaakka.

IMMIKKOORTOQ 1: Imigassanik aalakoornartortalinnik akuersissutit pillugit ilisimatitsissut

Beslutning

Ilisimatitsissut tusaatissatut tiguneqarpoq.

Ilanngussat

Nuummi, Paamiuni, Tasiilami aamma Ittoqqortoormiini imigassanik aalakoornartortalinnik sassaalliinissamut akuersissutinik pigisaqartut allattorsimaffiat

Imigassanik aalakoornartortalinnik akuersissutit pillugit ilisimatitsissut

Ilisimatitsissut

SagsID.: EMN-2022-08881

Suliffeqarfimmur Kiffartuussivik – kommunaldirektøri Ole Jakobsen / OJAK

Inassuteqaat

Suliffeqarfimmur Kiffartuussivimmit Aningaasaqarnermut Inuussutissarsiornermullu

Ataatsimiititamut inassuteqaatigineqarpoq:

- ilisimatitsissut tusaatissatut tiguneqassasoq
- suliaq ilisimatitsissutit Kommunalbestyrelsimut ingerlateqqinneqassasoq

Suliassamik saqqummiussineq

Kommuneqarfik Sermersuumut oqartussaqaarfiit immikkoortortaannut pilersaarut malillugu kommunimi imigassanik aalakoornartortalinnik sassaallisinnaanermut akuersissutinik pigisallit pillugit Aningaasaqarnermut Inuussutissarsiornermullu Ataatsimiititamut aamma Kommunalbestyrelsimut ukiumoortumik ilisimatitsineq ingerlanneqartassaaq.

Kommuneqarfik Sermersuumi ullumikkut imigassanik aalakoornartortalinnik akuersissutinik pigisaqartut 92-iupput illoqarfinni imannak agguataarneqarlutik

Nuuk

- 30 type A-mik akuersissutillit (imigassanik aalakoornartortalinnik kimittuunik aamma imigassanik aalakoornartortalinnik kimikitsunik nioqquteqarsinnaaneq)
- 40 type B-mik akuersissutillit (imigassanik aalakoornartortalinnik kimittuunik aamma imigassanik aalakoornartortalinnik kimikitsunik sassaallersinnaanermut akuersissut)
- 1 type E-mik akuersissutillit (§ 13, imm. 2 naapertorlugu sassaallersinnaanermut akuersissuteqarnermit ”Kommunalbestyrelsi immikkut akuersissuteqarsinnaavoq mittarfiit kioskillu akunnittarfinnullu unnuiffiusunut piffissami nal. 06.00-imiit nal. 12.00-ip tungaanut imigassanik kimittuunik kimikitsunillu sassaallersinnaanerit.”)

Katillugit akuersissutit 71.

Paamiut

- 5 type A-mik akuersissutillit (imigassanik aalakoornartortalinnik kimittuunik aamma imigassanik aalakoornartortalinnik kimikitsunik nioqquteqarsinnaaneq)
- 2 type B-mik akuersissutillit (imigassanik aalakoornartortalinnik kimittuunik aamma imigassanik aalakoornartortalinnik kimikitsunik sassaallersinnaanermut akuersissut)

Katillugit akuersissutit 7.

Tasiilaq (Annerpaamik imigassami aalakoornartup procentia 14,9)

- 7 type A-mik akuersissutillit (imigassanik aalakoornartortalinnik kimittuunik aamma imigassanik aalakoornartortalinnik kimikitsunik nioqquteqarsinnaaneq)
- 5 type B-mik akuersissutillit (imigassanik aalakoornartortalinnik kimittuunik aamma imigassanik aalakoornartortalinnik kimikitsunik sassaallersinnaanermut akuersissut)

Katillugit akuersissutit 12.

Ittoqqortoormiit (Annerpaamik imigassami aalakoornartup procentia 14,9)

- 2 type A-mik akuersissutillit (imigassanik aalakoornartortalinnik kimittuunik aamma imigassanik aalakoornartortalinnik kimikitsunik nioqquteqarsinnaaneq)

Katillugit akuersissutit 2.

Ingerlatsivimmit aningaasatigut sulisoqarnikkullu naliliinerit

Kommuneqarfik Sermersuumut aningaasatigut sulisoqarnikkullu kinguneqarnaviangilaq.

Suliffeqarfimmut Kiffartuussivimmit aningaasatigut naliliineq

Pisariaqangilaq.

Inatsisitigut tunngavissaq allakkallu tunngaviusumik uppersaatitallit

- Kommuneqarfik Sermersuumut oqartussaqaarfiit immikkoortortaannut pilersaarut

Siusinnerusukkut aalajangernerit

Siornatigut Kommunalbestyrelsimut ilisimatitsissutigineqarsimasut:

- November 2020-imi akuersissutit 91-atulersineqarsimapput
- November 2019-imi akuersissutit 91-it atulersinneqarsimapput
- November 2018-imi akuersissutit 95-it atulersinneqarsimapput
- November 2017-imi akuersissutit 89-it atulersinneqarsimapput
- Oktobari 2016-imi akuersissutit 92-it atulersinneqarsimapput
- Marsi 2015-imi akuersissutit 92-it atulersinneqarsimapput
- Septembari 2014-imi akuersissutit 92-it atulersinneqarsimapput
- Oktobari 2013-imi akuersissutit 87-it atulersinneqarput

Ilanngussaq

1. Nuummi, Paamiuni, Tasiilami aamma Ittoqqortoormiini imigassanik aalakoornartortalinnik sassaalliinissamut akuersissutinik pigisaqartut allattorsimaffiat

IMMIKKOORTOQ 2: Aningaasanik ikisisarluni pinnguaatit pillugit ilisimatitsissut

Beslutning

Ilisimatitsissut tusaatissatut tiguneqarpoq.

Ilanngussat

Kommuneqarfik Sermersuumi aningaasanik ikisisarluni pinnguaatinut akuersissutinik pigisaqartut allattorsimaffiat

Aningaasanik ikisisarluni pinnguaatit pillugit ilisimatitsissut

Ilisimatitsissut

SagsID.: EMN-2022-08835

Suliffeqarfimmut Kiffartuussivik – kommunaldirektøri Ole Jakobsen / OJAK

Inassuteqaat

Suliffeqarfimmut Kiffartuussivimmit Aningaasaqarnermut Inuussutissarsiornermullu

Ataatsimiititamut inassuteqaatigineqarpoq:

- akuersissutininik pigisallit taakkualu agguataarsimanerat tusaatissatut tiguneqassasut
- suliaq ilisimatitsissutitut Kommunalbestyrelsimut ingerlateqqinneqassasoq

Suliassamik saqqummiussineq

Kommuneqarfik Sermersuumut oqartussaqaarfiit immikkoortortaannut pilersaarut malillugu

kommunimi aningaasanik ikisisarluni pinnguaatinik akuersissutininik pigisallit pillugit

Aningaasaqarnermut Inuussutissarsiornermullu Ataatsimiititamut aamma Kommunalbestyrelsimut ukiumoortumik ilisimatitsineq ingerlanneqartassaaq.

Ullumikkut Kommuneqarfik Sermersuumi aningaasanik ikisisarluni pinnguaatinut pisinnaatitsissutit 40-iupput tamarmillu nuummiillutik.

Ingerlatsivimmit aningaasatigut sulisoqarnikkullu naliliinerit

Kommuneqarfik Sermersuumut aningaasatigut sulisoqarnikkullu kinguneqarnaviangilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaataitallit

- o Kommuneqarfik Sermersuumut oqartussaqaarfiit immikkoortortaannut pilersaarut

Ilanngussat

1. Kommuneqarfik Sermersuumi aningaasanik ikisisarluni pinnguaatinut akuersissutininik pigisaqartut allattorsimaffiat

IMMIKKOORTOQ 3: Nalunaarutiginnissutinut periuseq

Beslutning

Ilisimatitsissut tusaatissatut tiguneqarpoq.

Ilanngussat

Nalunaarutiginnissutip ingerlasarnera



Nalunaarutiginnissutitut periuseq

Meeqqanut Ilaqutariinnullu Ingerlatsivimmi nalunaarutiginnissutitut suliaqarnermut periuseq atuuttoq

Ilisimatitsissut

SagsID: EMN-2020-29028

Meeqqanut Ilaqutariinnullu Ingerlatsivik - pisortaq Martha Abelsen / MRBL

Inassuteqaat

Meeqqanut Ilaqutariinnullu Ataatsimiititap Aningaasaqarnermut Inuusutissarsiornermullu

Ataatsimiititamut inassuteqaatigaa:

- ilisimatitsissut tusaatissatut tiguneqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

Suliassamik saqqummiussineq

Meeqqanut Ilaqutariinnullu Ingerlatsivimmit ataatsimut tunngaviumik nalunaarutiginnissutitut tigusaqarnermi nalunaarutiginnissutitut suliaqarnermi periusissaq qulakkeerumallugu matumuuna saqqummiunneqarpoq. Ilanngussaq 1-mi allaaserisamat ikorfartuutaavoq, tassani periusissaq takuneqarsinnaalluni.

Innuttaasut pisortanilu oqartussat, meeraq pillugu ernummateqartoqarpat Meeqqanut Ilaqutariinnullu Ingerlatsivimmut nalunaarutiginnissinnaapput. Oqarasuaatikkut, nammineq takkunnikkut Meeqqavut@sermersooq.gl -mut allakkatigulluunniit tamanna pisinnaavoq. Qarasaasiakkut allakkanik nakkartitsivik ullup unnuallu ingerlanerani minnerpaamik ataasiarlugu imaarneqartarpoq - aamma sapaatini nalliuttunilu.

Nalunaarutiginnissummik tigusaqarnermi nassiussisumut, nalunaarutiginnissutitut tiguneranut uppersaat nassiunneqassaaq. Meeraq illersorniarlugu, nassiussisoq meeraq pillugu sulianik pisinnaatitaanngilaq, aallaaviatummi nassiussisoq meeqqamut tunngasuni illuatungiliuttuunngilaq. Nalinginnaasumik inunnik isumaginninnermi pigaartuusup nalunaarutiginnissutitut suliffiusussap avataatigut tiguneqartut suliarisarpai.

Nalunaarutiginnissutitut tigunerani pigaartuusooq akunnerit 24-t iluanni makku pillugit aalajangiissaaq:

1. Meeraq pillugu nalunaarutiginnissutaappat, angajoqqaatullu oqartussaasoq kommunimi allami najugaqarpat, nalunaarutiginnissut tassunga ingerlateqqinneqassaaq

2. Kommuneqarfik Sermersooq meeqqamut iliuuseqartuuppat, suliamik suliarinnittup nalunaarutiginnissut suliatigut nalilersussavaa. Suliaq meeqqamut tunngasooq ammasuuppat, nalunaarutiginnissut meeqqap sag-ianut ilineqassaaq, suliamillu suliarinnittoq ilisimatinneqarluni. Suliamik meeqqamut tunngasumik soqanngippat, nalilersorneqassaaq:

2a. Ilaqutariit kaammattorlugit siunnersuutitut ilitsersuutinillu oqaloqatigineqartassanersut

2b. Inunnik isumaginninnermi suliatigut misissuineq aallartinneqassaaq, itisiliinerusumik, meeqqap pissusilersuutaanik peqqissusianik, ilaqutariinnut tunngasumik aamma inissisimanerannik, atuarfimmut tunngasunik ilaalu ilanngullugit



nalilersuisoqarluni. Tamakku tunngavigalugit meeqqamut pilersaarut ineriartortinneqassaaq, iliuusissatut innersuutigineqarluni. 2a. aamma 2b. naapertorlugit angajoqqaat meerarlu qanoq ingerlariaqqittoqarnissaa pillugu oqaloqatiginissaannut qaaqquneqassapput

2c. Iliuuseqartoqassanngippat, suliaq matuneqassaaq. Nalunaarutiginnissut meeqqap innuttaasutut mappianiitinneqassaaq takuneqarsinnaasoq

3. Nalunaarutiginnissutit nakuusernermut, paarsinerlunnermut, innarliinerit meeqqamulluunniit sioorasaarinerit pineqarpata, inunnik isumaginninnermi misissuinerit ikiorsiigallarnerlu ingerlaannaq aallartinneqassapput imaluunniit akunnerit 24-t iluanni aallartinneqarlutik. Taama pisoqartillugu pisoq politiinut nalunaarutigineqassaaq, pinartumillu iliuuseqarneq aallartinneqarluni. Inunnik isumaginninnermi misissuineq ingerlanneqassaaq *peqatigitillugu* iliuusissaaq aallartinneqarluni

Aallaaviatigut ingerlatsiviup iliuuserisinnaasai aallartinneqassapput, nalunaarutiginnissutit taama ittit tunngavigalugit. Tassani pineqanngitsut tassatuaapput peqqissaasoq aamma juumooq taakkua Ivaq-mi Siusissukkut Iliuuseqarnermut angajoqqaanik *innersuussisinnaapput*. Taama pisoqaraangat ingerlatsivik ilisimatinneqartarpoq, qulaani nalunaarutiginnissummik periuseq atorlugu iliuuserisassanik allanik ingerlatsivik nalilersuisinnaaqqullugu.

Suliap ingerlaneranut tunngatillugu iliuusissamik aallartitsineri aallarniutitut ataatsimiigiaqqusisoqassaaq, iliuusissallu aallartinneqarneranit killiffik pillugu qaammatit pingasukkaarlugit ataatsimiittoqartassaaq. Taakku saniatigut ilaqutaasut suliatigullu attaveqatigiit akuutillugit ataatsimiittoqartarsinnaavoq. Taassuma saniatigut ingerlatsivik suleqatigiiaanik ataatsimiisitsisarpoq. Tassani angajoqqaat, atuarfimmit aamma suliamik sularinnittoq ataatsimiissapput, meeraq pillugu nalunaarutiginnissummik nalunaarsuisoqareernerani.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviumik uppernarsaatillit

- Meeqqanut ikiorsiisarneq pillugu Inatsisartut inatsisaat nr 20, 26. juni 2017-imeersoq
- Pisortat ingerlatsineranni suliassat sularineqartarnerat pillugu Inatsisartut inatsisaat nr. 8, 13. juni 1994-imeersoq

Siusinnerusukkut aalajangiinerit

Meeqqanut Ilaqutariinnullu Ataatsimiititaq, 27.10.22:

Ilisimatitsissut tusaatissatut tiguneqarpoq, ima ilassuteqaatitalerlugu: suliaq Aningaasaqarnermut Inuussutissarsionermullu ataatsimiititaliamut aammalu kommunalbestyrelsimut ilisimatitsissutit ingerlateqqinneqassasoq.

Ilanngussat

1. Nalunaarutiginnissutit ingerlasarnera

IMMIKKOORTOQ 4: Meeqgerivinnut utaqqisut allattorsimaffii pillugit ilisimatitsissut

Beslutning

Ilisimatitsissut tusaatissatut tiguneqarpoq.

Meeqqerivinnut utaqqisut allattorsimaffii pillugit ilisimatitsissut

Ilisimatitsissut

SagsiD: EMN-2022-07809

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ataatsimiititap Aningaasaqarnermut Inuusutissarsionermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq
- suliaq Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-imeersumi § 8, imm. 3 naapertorlugu qinnuteqartut tamarmik kommunimi meeqqerivinni aamma angerlarsimaffimmi paarsisartuni inissaqanngippata kommunalbestyrelse utaqqisut allattorsimaffiannik pilersitsinissaq pisussaaffigaa.

Kommunimi utaqqisut allattorsimaffiisa kvartalit pingajuanni 2022-imi septembarip 6-ianni killiffiat tassaavoq, kommune tamakkerlugu meeqqerivinnut, angerlarsimaffimmi paarsisartunut aammalu atuartut sunngiffimmi ornittagaannut (AKO/FRO/SPO) meeqqat 216-it utaqqisuutigineqartut. Meeqqat 216-it utaqqisuutigineqartunit 183-it Nuummi utaqqisut allattorsimaffianniippat, tassalu kommune tamakkerlugu utaqqisut 84%-iisa amerlaqataat.

Takussutissaq 1: Septembarip 6-ianni 2022-mi utaqqisut allattorsimaffii imatut isikkoqarput

Sumiiffik	Meeraaqq eriviit	Meeqqe riviit	AK O	FR O	Atuarfinni paaqqinniffiit	Angerlarsimaffimmi paaqqinnittoqarneq/ Nunaqarfinni neqeroorutit	Angerlarsim affinni meeqqanik paarsisartut	Katill ugit
Nuuk	120	25	18	19			1	183
Paamiut	0	0			0			0
Tasiilaq	9	1			4			14
Ittoqqortoormiit	2	0			0			2
Kapisillit					0	0		0
Qeqertarsuatsiaat					0	1		1
Arsuk						0		0
Kulusuk						6		6
Tiilerilaaq						3		3
Kuummiit						2		2
Sermiligaaq						1		1
Isertoq						4		4
Katillugit	131	26	18	19	4	17	1	216

Boksip qasertup neqeroorutip sumiiffimmi pineqartumi neqeroorutaannginnera takutipkaa.

Nuummi utaqqisut allattorsimaffianni meeqqanit 183-init 120-t meeraaqqerivimmuut utaqqisuupput. Siornamut sanilliullugu meeqqat Nuummi meeraaqqerivimmuut utaqqisut allattorsimaffianniittut ikileriaateqarsimapput, siorna kvartalit pingajuani kisitsisini meeqqat 165-ippat. Meeqqat meeraaqqerivimmuut utaqqisut allattorsimaffianniittut ikileriaateqarnerat nutaamik februaarimi 2022-

mi ukioqatigiinngitsunut meeqqeriviup Maligiap ammarneqarneranik nassuiarneqarsinnaavoq ammaanermi meeraaqqat katillugit 60 meeraaqqerivimmiissinnaammata.

Meeraaqqerivinnut utaqqisut tamaasa eqqarsaatigalugit utaqqisut allattorsimaffiinnut tunngatillugu, ingerlatsiviup siullermik erseqqissaatigissavaa, utaqqisut allattorsimaffiini allatsissimasut amerlassusaat ukiumiit ukiumut aammalu ukiup qanoq ilineraniit ukiup qanoq ilineranut allangorarsinnaasarmata. Ataatsimut isigalugu, Nuummi utaqqisut allattorsimaffii septembarimiit meeqqat atualinnginnerminni AKO-nut nuukkiartornerat ilanngullugu ukiup tulliani amerlanerusarput.

Tamatuma saniatigut Meeqqanut Atuarfeqarnermullu Ingerlatsiviup pissutsit assigiinngitsut, Nuummi pingaartumik meeraaqqerivinnut utaqqisunut allattorsimaffiup sooq taamatut isikkoqarnera pillugu, nassuiaataasinnaasut taasinnaavai. Tamanna ilaatigut innuttaasut illoqarfinniit, nunaqarfinniit kommuniniit imaluunniit nunanit allaniit Nuummut nuuttarnerannik kiisalu ilinniareerlutik Nuummut uteqqittarnerannik pissuteqarsinnaavoq. Tamatumunnga aamma innuttaasut amerliartornerat utaqqisut allattorsimaffiannik annertusaaqataavoq. Utaqqisut allattorsimaffii pillugit aamma alla pissutaasoq tassaavoq utaqqisut allattorsimaffii amerlavallaartunik utaqqisuuteqarnerannik arlalitsigut ajornartorsiuteqalersinnaanerat. Taamatut pisoqartarpoq assersuutigalugu meeraaqqerivimmi meeraq meeqqalluunniit meeqqerivimmut nuunnissaminnut piareerneranni kisiannili meeqqerivimmi meeraaqqerivimmut akiliunneqarluni inissanik peqanngikkaangat. Assersuutigalugu meeqqat meeraaqqerivimmiittut meeqqerivimmi inissaqalernissaasa tungaanut meeraaqqerivinnut utaqqisut allattorsimaffinneereersut inissaannik tigusillutik.

Meeqqanut Atuarfeqarnermullu Ingerlatsiviup utaqqisut allattorsimaffii qaammatikkaartumik malinnaaffigisarpai, utaqqisullu allattorsimaffiini allatsissimasut ikilisartuarnissaat ataavartumik sulissutigisarlugu, pingaartumik Nuummi meeraaqqerivinni inissanut ulluunerani neqeroorutitut tunngasortaa. Tassunga ilanngullugu aamma Nuummi utaqqisunut allattorsimaffimmiittut ikileriaateqarnissaat Ingerlatsiviup naatsorsuutigivaa, Nuummi atuarfissap nutaap eqqaani ulluunerani paaqqinnittarfissaq nutaq ammarneqarneratigut. Ulluunerani paaqqinnittarfik taanna nutaq ataatsimut isigalugu meeraaqqanut 36-nut meeqqanullu 60-inut inissalittut naatsorsuussaavoq.

Utaqqisut allattorsimaffianni amerlanerpaat tullianiippat meeqqerivinnut utaqqisuutigineqartut, taakkununga kommune tamakkerlugu 26-t utaqqisuutigineqarmata. Nuup avataatigut kommunimi meeqqat utaqqisuutigineqartut killeqarput, taamaakkaluartoq meeqqat Tasiilami paaqqinnittarfinnut assigiinngitsunut utaqqisuutigineqartut 14-iupput.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfirmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatitalit

- Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-imeersoq

Siusinnerusukkut aalajangiinerit

Meeqqanut Atuarfeqarnermullu Ataatsimiititaq, 12.10.22:

Ilisimatitsissut tusaatissatut tiguneqarpoq.



Ilanngussat
Soqanngilaq.

IMMIKKOORTOQ 5: Suliniummut tapiissuteqarnissamik qinnuteqaat: Inuusuttunut nangeqattaartoq, Tasiilaq

Beslutning

Inassuteqaat akuersissutigineqarpoq.

Ilanngussat

Suliniut: Inuusuttunut nangeqattaartoq, Tasiilaq

Suliniummot tapiissuteqarnissamik qinnuteqaat: Inuusuttunut nangeqattaartoq, Tasiilaq

Kulturimut tapiissutit

Aalajangiiffigisassaq

SagsID.: EMN-2022-06628

Suliffeqarfimmut Kiffartuussivi - vicekommunaldirektøri Marie Fleischer / MAFL

Inassuteqaat

Suliffeqarfimmut Kiffartuussiviup Aningaasaqarnermut Inuusutissarsiornermullu Ataatsimiititamat inassuteqaatigaa:

- suliniutip "Inuusuttunut nangeqattaartoq" - Tasiilaq 100.000 kr.-nik tapiiffigineqarnissaa akuersissutiigineqassasoq

Suliassamik saqqummiussineq

Kultureqarnermut immikkoortoqarfik tapiiffigineqarnissamik qinnuteqaammik tigusaqarpoq.

Qinnuteqaatit 30.000 kr.-it sinnerlugit amerlassuseqarmat Aningaasaqarnermut

Inuusutissarsiornermullu Ataatsimiititamat suliarineqaaqqaartussaavoq.

Inuusuttunut nangeqattaartoq Tasiilaq oqaluttualiaavoq nangeqattaartoq, filmiortitseqatigiit, Tasiilami alliartorsimasut, aamma Tasiilami inuusuttut akornanni suleqatigiinnikkut pilersinneqartoq. Suliniummik pilersitsisut mikrofoni Tasiilami inuusuttunut isaakkusuppaat, taakku namminneerlutik oqaluttuaminnik oqaluttuarsinnaaqqullugit.

Suliniutip inernerissavaa inuusuttunut nangeqattaartuliaq pitsaalluinnartumik pitsaassusilik.

Tasiilami 15-25-nut ukiullit aamma nunaqarfinneersut imarisaanik aalajangiisuusussaapput.

Qulequtaasinnaapput artornartut mianernartullu, kisianni aamma oqaluttuaasinnaapput quianartut, ittuuallannartut imaluunniit naatsorsuutigingilluinnakkanik pisut.

Nangeqattaartoq akissarsissutaanani aningaasaateqarfinit legatinillu aningaasalerneqassaaq, taamaalilluni kikkunnit tamanit takuneqarsinnaassaaq sapinngisamik isiginnaartussanit amerlasuunit takuneqarsinnaasunngorlugu. Nangeqattaartoq 10-nik immikkoortortaqaassaaq ataaseq 12-15 minutsinik sivissuseqarluni. Suliniutigineqartoq KNR-imi takutinneqarnissaa neriorsuutigineqareerpoq aamma Tasiilami suleqatigineqartussanik arlalinnik nassaartoqareerpoq.

Ilanngussami oqaluttualiat nangeqattaartut erseqqinnerusumik nassuiaataat atuarneqarsinnaavoq.

Allaffeqarfiup naliliinera:

Qinnutigineqartoq kulturimik tapiinissamat piumasaqaatinik naammassinnippoq. Qinnuteqartoq aamma Aningaasaateqarfik Sermeq-p tapiinissaanut piumasarisaanik naammassinnippoq.

Allaffeqarfiup innersuussutigivaa suliniut pingasut tulluuttut tunngavigalugit tapiiffigineqassasoq: qinnuteqartup suliaa pitsaassuseqartumik pitsaassuseqarluni suliarineqarnissaa

naatsorsuutigineqartoq. Qinnuteqartoq missingersuuteqarpoq, aningaasat tassani naammallutik. Kulturi pillugu suliniut inuusuttut sumiiffimmilululeqatigisassat peqatigalugit pilersinneqassaaq.

Qinnuteqartup suliniutaa marlunnut avinneqarpoq: A. piareersarneq, aqqissuussinermi inuusuttut akuutillugit. B. suliarinnineq, inuusuttut oqaluttuaannik ilalik. Pilersaarummut ataatsimoortumut taamaallaat Aningaasaateqarfik Sermeq tapiissuteqarsinnaanera ilimanarmat, allaffeqarfiup siunnersuutigivaa kulturimut tapiissut pilersaarutip immikkoortuanut siullermut sammitinneqassasoq aamma qinnuteqartoq immikkoortup aappaanut Aningaasaateqarfik Sermeq-mit tapiiffigineqarnissaa qinnutigissagaa.



Siunnersuut Tasiilami allaffissornermi ingerlatsisunut nassiunneqarnikuuvoq, taakkulu aamma siunnersuut taperserpaat.

Ingerlatsivimmit aningaasatigut sulisoqarnikkullu naliliinerit

Kommunalbestyrelse 2022-mut aningaasanik immikkoortitsivoq Kulturi kivitsisutut tapiissuteqartarnissamut. Immikkoortinneqartut iluini qinnuteqartut tapiiffiqineqarnissaminnik qinnuteqarsinnaapput.

Aningaasat kontumit 401010405-0802044013 – Kulturi kivitsisutut, aaneqassapput.

Suliffeqarfimmut Kiffartuussivimmit aningaasatigut naliliineq

Suliffeqarfimmut Kiffartuussivimmit maluginiarnerqarpoq aningaasaliissutit Kommunalbestyrelsimit akuerineqareersut, inatsisiusullu iluanni atorineqarmata, taamaammallu Suliffeqarfimmut Kiffartuussiviup siunnersuutaa iluarineqarluni atorineqarmat.

Inatsisitigut tunngavissaq allakkallu tunngaviusumik uppersaattallit

- Kommuneqarfik Sermersuumi kulturilerinermut tapiissutit pillugit malittarisassat kommunalbestyrelsimit 6. februaari 2014-imi akuerineqartut
- Inuit Ataqatigiit aamma Naleqqap Kommuneqarfik Sermersuumi kommunalbestyrelsimi suleqatigiinnissamik isumaqatigiissutaat 2022 - 2025 - Inuusuttunut neqeroorutit ullutsinnut naleqquttut, Sermersooq – kulturikkut, timersornikkut tamatiguussusermillu pingaartitsisoq, eqqarsartaatsikkut peqqissuuneq
- Inuuneritta III
- 3. Nunarsuarmi anguniakkat: Peqqissuseq aamma Atugarissaarneq

Ilanngussat

1. Suliniut: Inuusuttunut nangeqattaartoq, Tasiilaq

IMMIKKOORTOQ 6: Tasiilami amernik mersortarfimmik ammerivimmillu pilersitsineq

Beslutning

Inassuteqaat akuersissutigineqarpoq.



Tasiilami amernik mersortarfimmik ammerivimmillu pilersitsineq

Illumik amernik mersortarfissamik toqqaaneq

Aalajangiiffigisassaq

SagsID.: EMN-2022-00002

Suliffeqarfimmik Kiffartuussivik – vicekommunaldirektøri Marie Fleischer / MAFL

Inassuteqaat

Suliffeqarfimmik Kiffartuussivimmit Aningaasaqarnermut Inuussutissarsiteqarnermullu Ataatsimiititamut inassuteqaatigineqarpoq:

- Tasiilami ataatsimoorussamik ammerivimmik amernillu mersortarfimmik pilersitsinissap tungaanut piffissami 2022-mi novembarimi B-2 amernik mersortarfittut atorineqarnissaa akuersissutigineqassaq
- ataatsimoorussamik ammerivimmik amernillu mersortarfimmik, Kittatut ilusilimmik, B-693-ip eqqaatalu iluarsaanneqarnerannut atatillugu umiarsualiveqarfimmi takornariaqarfimmilu pilersitsinissamut anguniagaq akuersissutigineqassasq
- amernik mersortarfimmik ammerivimmillu ukiumut ingerlatsinermit aningaasat immikkoortinneqartartut 900.000 koruunit ataatsimoorussamik illuliornissamut pilersaarusiornissamut kiisalu avataaniit aningaasaliussarsiorinnissamut aamma atorineqarsinnaanissai akuersissutigineqassasq

Suliassamik saqqummiussineq

Kommunalbestyrelsip 2022-mut missingersuusiordermut atatillugu Tasiilami amernik mersortarfimmik, Kittatut ilusilimmik, pilersitsinissaq aalajangiuppaa. Ukiumut 900.000 kr.-it immikkoortinneqarput, ingerlatsinermit aningaasaliussutaareersunut, Materialegårdeni mersortartut akissarsiasaannut, tapertaasunik. Siunnersuummi sumiiffik B-48 (Skæven) tunngavigineqarpoq. Illu B-48 allanngutsaaliugaavoq. Kingunerivaa, illu siunertarineqartumut, amernik mersortarfingorlugu, allanngortinneqarsinnaannginnera.

Tasiilami allaffeqarfiup aamma Nuummi kulturimut immikkoortoqarfiup immikkoortoqarfiit allat ilagalugit (Inuussutissarsiornermut immikkoortoqarfik, Tasiilami Majoriaq, Tasiilami allaffissornikkut aqutsisut) inissiiffiusinnaasut allat eqqartorpaat. 2022-mi upernaakkut oqaloqatigiinnermit mersortartut suliamik ilisimasallit aamma kultureqarnermut immikkoortortaq Tasiilamut periarfissanik alakkaanissaq illoqarfimmilu suleqatigisanik qanimut oqaloqatiginninnissaq siunertaralugu tikeraartariaqartut paasineqarpoq. Tikeraarnermi paasineqarpoq,

- Amernik mersortarfimmik ammerivimmillu nukinginnartumik pisariaqartitsisoqarpoq, ileqqut malillugit assassornermik qitiutitsisumik, Tunumi ammereriaaseq kulturi malillugu assassornertut ingerlateqqinneqassappat.
- Innuttaasut kalaallisuuliornermik ilinniarsimasut Tasiilamiittut taamatut ineriartortitsinissamut tunniusseqataarusupput. Maannakkut mersortartunik innuttaasunillu unnukkut atuartitsinikkut ilitsersuisuusinnaapput
- Illoqarfimmi suleqataasartut arlallit ineriartortitsinissamut tunniusseqataarusupput; Majoriaq, Siu-Tsiu, Piniartut peqatigiiffiat il.il.
- Iseritip illoqarfimmi immikkoortortaqarfia illumut tunngasumik ilisimasanik tunniussaqaqarnissaminut piunassuseqarlunilu periarfissaqarpoq

Tikeraarnermi paasinarsivoq sumiiffimmik atunngitsumik atorsinnaasamillu maanna soqanngitsoq. Maannakkut sulisut pingasut ammerinermik suliffeqartinneqarput. Tamannali assassornermik ileqqut tunngavigalugit ingerlanneqanngilaq. Taamatutaaq ileqqut malillugit ammit



suliarineqarsimasut, kalaallisuunut atorineqartartut, pigineqanngillat. Maannakkut Materialeqårdenimi inissisimavoq, tassungalu innuttaasut unnukkut atuartitsinermut ornigussinnaanngillat takornariallu alakkaasinnaanatik. Taamaattumik amernik mersortarfik nuuneqartariaqarpoq maannakkullu sulisut ilinniartinneqarlutik, ammeriviutigaluni amernik mersortarfiup pilersinneqarnissaata tungaanut.

Immikkoortukkuutaarluni pilersitsineq

Immikkoortoq 1 - Amernik mersortarfik ilinniartitsinermillu ukkatarinninneq Siunnersuummi ilutsimi B-2-p atorineqarsinnaalersimanera tunngavigineqarpoq, tassa atornerluisuunermut katsorsaavimmik allamik nassaartoqareernerata kingorna. Takornariaqarneq eqqarsaatigalugu inissisimaffia pitsaasuullunilu unnukkut atuartitsinermut ilinniartitsinissamullu piukkunnarluinnarpoq. Eqqaralaannguani containerimik qerititsivimmik pilersitsisoqarsinnaallunilu kuuffimmut kuuffissuarmullu attaveqarpoq, taamaalillunilu aasaanerani silami ammerisoqarsinnaalluni. Taamatuttaarlu takornarianut misigisassaqtitsisoqassaaq. Tamanna pillugu Immikkoortoq 1-imi B-2 amernik mersortarfittut toqqassallugu piukkunnartuuvoq, akerlianillu ammerivimmut piukkunnartunik inissaqarnani.

Tassunga aaqqiissummut periarfissaq alla tassaavoq Majoriami ini alleq iluamik atorluarneqarsinnaanngivissoq. Taamatut aaqqiinerup amernik mersortarfimmut ilinniartitsinissamullu atugassarititaasut ajornerulersissavaat. Taamatuttaaq ammerinermik ilinniartitsinermi tipimik ajornartorsiuteqalertoqarsinnaavoq.

Immikkoortoq 2 – Ataatsimut amernik mersortarfik ammerivillu

Kalaallisuuliornissamut ammit pitsaasut ileqqullu malillugit suliarineqartut pisariaqartinneqartut nalilerneqarpoq. Taamaammatt siunissaq ungasinnerusoq eqqarsaatigalugu Tunumi kulturikkut naleqartitat qulakkeerneqarnissaannut ammerivik toqqammaviussaaq. Immikkoortumi amernik mersortarfiup aaqqiissuunera ilutigalugu immikkoortoq 2-mi ataatsimoorussamik pilersitsinissamut piareersartoqartariaqarpoq. Tasiilami oqaloqateqarnermi mersortartut soqutigisaqartullu tamarmik umiarsualiveqarfimmi pilersitsinissaq tikkuuppaat. B-693-ip eqqaani umiatsianik iluarsaasarfimmik pilersaarusiortoqarpoq, umiarsualiveqarfimmili amernik mersortarfimmut, ammerivimmut, pisiniarfimmik attartortitsisartulimmik aammalu allaffeqarfimmut allaffinnik inissaqarluarpoq.

Tassunga aaqqiissummut periarfissaq alla tassaavoq maannakkut qatserisartoqarfiusumik tiguseq aaqqiissuussinerlu. Qatserisartoqarfik umiarsualivimmi nunaminertatut atorluarneqarsinnaanngilaq, imeq tarajulik qanittumiinngilaq (tamanna ammerinermi pingaaruteqarpoq, takornarianit ornigarneqarpiarneq ajorpoq piniartunullu tikikkuminaatsuulluni). Aaqqiissutissanut taakkununga marlunnut C-mik missiliummik suliaqartoqartariaqarpoq, kiisalu pitsaaqutai ajoqutaasalu sinneri nalilersorneqarlutik; tassunga ilanngullugit ilutsinut tunngatillugu avataaniit aningaasaliissuteqarnissamut kajumissuseq pillugu.

Kommunalbestyrelsip 2022-mut missingersuutit pillugit aalajangernerani ingerlatsinermut missingersuutinik pisariaqartitsisoqarnera taamaallaat tunngavigineqarsimavoq. Illunillu toqqaanissap tungaanut suliaqarneq aatsaat naammassimmat allaffeqarfimmit ingerlatsinermut aningaasaliissutit Immikkoortup 1-ip pilersinneqarnissaannut aamma Immikkoortoq 2-mi piareersarnissamut atorineqarsinnaanissai qinnutigineqarpoq. Allaffeqarfimmit Tunumi assassortarnermik piujuartitsinissamut kulturillu attatiinnarneqarnissaannut siunertaqarluni illumik aningaasaateqarfimmut qinnuteqaat tigulluarneqassasoq nalilerneqarpoq. Tamanna tunngavigalugu aningaasat taakku siunertanut marlunnut atorineqarsinnaassasut allaffeqarfimmit inassuteqaatigineqarpoq.



Pilersitsinissamut sanaartornermut aningaasartuutit 2024-mut missingersuusionermit missingersuutit pillugit isumaqatiginninniarnermi ilaatinneqarsinnaanissai naatsorsuutigineqarpoq. Taakku sioqqullugu ilutsit taakkuk marluk Immikkoortoq 2-mut tunngasut Aningaasaqarnermut Inuussutissarsiornermullu Ataatsimiititamut saqqummiunneqassapput.

Tusarniaaneq

Siunnersuut tusarniaanerit, workshopernerit Tasiilamilu allaffeqarfimmik, piniartut peqatigiiffianik, Ammassalimmi Katersugaasivimmik, Tasiilami Materialegårdenimi, Tasiilami Majoriami, Siu-Tsiu-mik, takornarialerinermit, Inuussutissarsiornermut takornariaqarnermullu siunnersortimik, Tasiilami Iseritimik, innuttaasunillu marlunnik kalaallisuuliornermik ilinniarsimasunik oqaloqatiginninnerit tunngavigalugit suliarineqarpoq. Ileqqut malillugit assasortarnermik qulakkeerinninnissamik suliniuteqarnissaq tamanit tapersorsorneqarpoq. Taamaattorli Majoriamit erseqqissaatigineqarpoq B-2-mik tigusinissaq aamma soqutigineqartoq. Taamaattumillu Majoriap immikkoortoq 1-imi aaqiissutip aappaa kissaatigalugu oqaatigaa.

Ingerlatsivimmit aningaasatigut sulisoqarnikkullu naliliinerit

Taamaattumik suliaq immi aningaasaqarnikkut kinguneqassanngilaq.

Suliffeqarfimmut Kiffartuussivimmit aningaasatigut naliliineq

Suliffeqarfimmut Kiffartuussiviup naliliivoq suliaq immi aningaasaqarnikkut kinguneqassanngitsoq 2022-imi.

Inatsisitigut tunngavissaq allakkallu tunngaviusumik uppernarsaatitalit

- 2022-mut missingersuutit

Ilanngussat

Soqanngilaq.

IMMIKKOORTOQ 7: Katersugaasivik Nuutoqaq katersugaasivittut akuerineqarnissaa pillugu siumut akuersissuteqarneq

Beslutning

Inassuteqaat akuersissutigineqarpoq.

Ilanngussat

Katersugaasivittut akuerisatut pitsaaqutit ajoqutillu

Katersugaasiveqarneq pillugu Inatsisartut inatsisaat nr. 8, 3. juni 2015-imeersoq

Katersugaasivik Nuutoqaaq katersugaasivittut akuerineqarnissaa pillugu siumut akuersissuteqarneq

Aalajangiiffigisassaaq

SagsID: EMN-2022-08049

Suliffeqarfimmut Kiffartuussivik - vicekommunaldirektøri Marie Fleischer / MAFL

Inassuteqaat

Suliffeqarfimmut Kiffartuussivimmit Aningaasaqarnermut Inuussutissarsiornermullu

Ataatsimiititamut inassuteqaatigineqarpoq:

- Katersugaasivik Nuutoqaaq katersugaasivittut akuerineqarnissaa pillugu siumut akuersissutigineqassasoq

Suliassamik saqqummiussineq

Kalaallit Nunaanni illoqarfinni katersugaasiviit amerlanerpaat katersugaasivittut akuersissuteqarput, Katersugaasivik Nuutoqqaniit tamanna aamma kissaatigineqarpoq.

Katersugaasivittut akuerisatut Katersugaasivik Nuutoqaaq Kalaallit Nunaanni katersugaasivinnik akuerisanik nunanillu allanik naligiittut suleqateqarsinnaalissaaq. Maanna katersugaasivik akuersissuteqanngimmat taamaaliortuaannarsinnaaneq ajorpoq. Katersugaasiviup akuerineqarnera illoqarfiit Pingaarnersaat pillugu Periusissiami takorluukkanut naapertuutissaaq: "Eqqumiitsuliornermut kulturikkullu suliffeqarfiit ingerlaavartumik ineriartortinneqassapput". Akuerineqarnikkut katersugaasiviup attaveqarfigisinnaasai amerlissapput, kiisalu katersugaasiviup innuttaasunut kiffartuussinerata pitsaassusaata qaffariaatissaanik neqeroorutininik ineriartortitsinissaanut periarfissaqalissalluni.

Katersugaasivik akuerisaq katersugaasiveqarneq pillugu inatsisip ataaniippoq, taamaalillunilu inatsimmi pitsaassutsimut piumasaqaataasut katersugaasivimmit malinneqarnissaannut qulakkeerinnittuuvoq, saniatigullu Kalaallit Nunaata kulturikkut kingornussarsiaasa tammatsaalineqarnissaat qulakkeerneqassapput kiisalu Kalaallit Nunaata iluani avataanullu katersugaasiveqarnikkut sulineq suleqatigiinnerlu siuarsarneqassalluni.

Katersugaasiviup katersugaasivittut akuerineqarneratigut periarfissaqalissaaq "Eqqumiitsulianik kulturimillu misigisassat pitsaasut" saqqummiunneqarnissaannut tassa "takornariat ugartugaat," kommunimi kulturi pillugu politikki innersuussutigalugu. Katersugaasivik akuerisaq ukiunut sisamanut pilersaarusiortussaataavoq, tamannalu illoqarfiup katersugaasivianik ineriartortitsinissamik periarfissiisuuvoq. Akuerisaanermi katersugaasivinnit allanit akuerisaasunit kulturikkut kingornussanik attartornissamut periarfissiisuuvoortaaq. Taamaalilluni innuttaasunut soqutiginnittunut kulturikkut kingornussanik oqaluttuat ingerlateqqinneqassapput.

Aningaasaqarnermut Inuussutissarsiornermullu Ataatsimiititamit inassuteqaat akuersissutigineqassappat, Katersugaasivik Nuutoqqammit, Katersugaasiveqarnermut Ataatsimiititaliap innersuussineratigut, Naalakkersuisunit akuersissummik pissarsinissamik suliaqarneq aallartissaaq, Katersugaasiveqarneq pillugu inatsimmi 3 § 13 innersuussutigalugu.

Ingerlatsivimmit aningaasatigut sulisoqarnikkullu naliliinerit

Taamaattumik suliaq immiini aningaasaqarnikkut kinguneqassanngilaq.

Suliffeqarfimmut Kiffartuussivimmit aningaasatigut naliliineq

Suliaq aningaasaliissutitigut kinguneqassanngimmat Suliffeqarfimmut Kiffartuussivimmit oqaaseqaatissaqartoqanngilaq.



Inatsisitigut tunngavissaq allakkallu tunngaviusumik uppersaatitalit

- Katersugaasiveqarnej pillugu Inatsisartut inatsisaat nr. 8, 3. juni 2015-imeersoq
- Kommuneqarfik Sermersuup kulturi pillugu politikkaa
- Nuuk pillugu Illoqarfiit pingaarnersaat pillugu Periusissiaq

Ilannussat

1. Katersugaasivittut akuerisatut pitsaaqutit ajoqutillu
2. Katersugaasiveqarnej pillugu Inatsisartut inatsisaat nr. 8, 3. juni 2015-imeersoq

IMMIKKOORTOQ 8: 2023-mi politikikkut ataatsimiiffissat

Beslutning

Inassuteqaat akuersissutigineqarpoq.

Ilangussat

2023-mi politikikkut ataatsimiiffissatut siunnersuutit

2023-mi politikikkut ataatsimiiffissat

Aalajangiiffigisassaq

SagsID: EMN-2022-08329

Suliffeqarfimmum Kiffartuussivik – kommunaldirektøri Ole Jacobsen / OJAK

Inassuteqaat

Suliffeqarfimmum Kiffartuussivimmit Aningaasaqarnermut Inuussutissarsiornermullu

Ataatsimiititamut inassuteqaatigineqarpoq:

- ataatsimiititap 2023-mi ataatsimiiffissai akuerineqassasut

Suliassamik saqqummiussineq

Aqutsinermut inatsimmi § 8-mi allaqqavoq "Kommunalbestyrelse aalajangiisassaaq qaqugu sumilu ileqquusumik ataatsimiinnerit ingerlanneqartassanersut. Tamanna kommunimi periaaseq naapertorlugu tamanut tusarliunneqartassaaq ukiut naatsorsuiffiit aallartinneri tamaasa, tamannalu pillugu Naalackersuisut ilisimatinneqassapput."

Aningaasaqarnermut Inuussutissarsiornermullu Ataatsimiititap suleriaasissaani §3-mi aamma allassimasoqarpoq "ataatsimiititap ataatsimiinnissani nammineq aalajangersartassavai".

Aningaasaqarnermut Inuussutissarsiornermullu Ataatsimiititap marlungornikkut nal. 12.00. ataatsimiittarnissaa siunnersuutigineqarpoq. 2023-mi ileqquusumik ataatsimiinnerit arfineq pingasut ingerlanneqassapput.

Politikkikkut ataatsimiiffissat taamatullu ataatsimiinnerni oqaluuserisassat imaqarniiallu kommunip nittartagaanut tamanut saqqummiunneqassapput. Politikikkut ataatsimiiffissat aamma kommunip allaffeqarfiata immikkoortortaani pissarsiarineqarsinnaassapput.

2023-mi politikikkut ataatsimiiffissat Naalackersuisunut nassiunneqassapput.

Ingerlatsivimmit aningaasatigut sulisoqarnikkullu naliliinerit

Politikkikkut ataatsimiinnerit missingersuutini taakkununnga aningaasaliissutigineqartuni aalajangersakkat malillugit ingerlanneqassapput, taakkununnga ilanngullugit angalanerit, akissarsiat, sulisunik atorfissaqartitsinerit ilaalu ilanngullugit.

Suliffeqarfimmum Kiffartuussivimmit oqaaseqaatit

Suliffeqarfimmum Kiffartuussivimmit oqaaseqaateqartitsisoqanngilaq, Suliffeqarfimmulli Kiffartuussivik ullut ataatsimiiffissat aalajangersarniarneqarnerini peqataatinneqarsimavoq, taamaalilluni naatsorsuutit missingersuutit akuersissutigineqarnissaannut il.il. taakku naleqqussarneqarniassammata.

Inatsisitigut tunngavissaq allakkallu tunngaviusumik uppernarsaatitalit

- o Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Ilanngussaq

1. 2023-mi politikikkut ataatsimiiffissatut siunnersuutit

IMMIKKOORTOQ 9: Atuareernerup kingorna neqeroorut Aqqalummi atuisartut amerlassusaannik allanngueq

Beslutning

Inassuteqaat akuersissutigineqarpoq.



Atuareernerup kingorna neqeroorut Aqqalummi atuisartut amerlassusaannik allanngineq

Aalajangiiffigisassaq

SagsID.: EMN-2022-07973

Meeqqanut atuafeqarnermullu Ingerlatsivik - pisortaq Lone Nukaaraq Møller / LNM

Inassuteqaat

Meeqqanut Atuafeqarnermullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- atuareernerup kingorna neqeroorummi Aqqalummi atuisunut inissat 70-iniit 40-nut appartinneqarnissaat akuersissutigineqassasoq
- suliaq Kommunalbestyrelsimut akuerisissutigisassanngorlugu ingerlateqqinneqassasoq

Suliassamik saqqummiussineq

2022-mi Sermersuumi missingersuusiornermi isumaqatigiisummi suleqatigiinissamullu isumaqatigiisummi kissaatigineqarpoq meeqqanut innarluutilinnut 18-it inorlugit ukiulinnut ornittakkanik pilersitsisoqassasoq.

Meeqqanut Atuafeqarnermullu Ingerlatsivimmi 1. august 2022 tungaanut taamak ittumik ingerlatsinikuupput Pakkummik taaguutilimmik meeqqanut autismeqartunut ADHD-millu ersinngitsumik innarluutilinnut naleqqussakkamik. Neqeroorut meeqqanut arfineq pingasunut inissalittut naleqqussagaasoq, illutamigut ulluklut neqeroorutip Umiaq illutaata ilassutaani inissisimasumik. Meeqqani taakkunani atuisut arfinillit Nuussuup Atuarfiani atuartuupput, sinneruttullu marluk atuafinni allani atuartuullutik.

Nuussuarmi Ulloq naallugu atuafik (Heldagsskolen) siunertaatut atuafittut immikkut periuseqarluni atuafittut atuutsileqqinnerani atuartut periarfissaqalersimapput ulloq naallugu atuafimminni atuaneq atuareernerullu kingorna ornittagaq allamukaqqaanngikkaluarlutik ingerlassinnaalerlugu, piffimmiit piffimmut allamut nuuttaaratik nikeranngitsumik ornittakkamiilerlutik. Taamaalillutik meeqqat sinaakkutinik aalajangersimasunik pisariaqartitsisut ataavarnernik, toqqissisimaffimmini sinaakkuteqarlutik ulloq ingerlassinnaanngorlugu.

Atuafeqarnermut immikkoortortaqrifiup 1. august aallarnerfigalugu meeqqat marluk Pakkumi sinneruttut fritidshjem Aqqalummut inississimavaat. Allanngortitsinermit aallaaviuvoq meeqqanut taamannak innarluutilinnut meeqqerivimmut atanera naleqqutinngitsoq, meeqqerivimmit nipiliornerit kiisalu Pakkummit unamminartoqartillugu qisuariarnerit meeqqanut mikisunut toqqissisimannginnermik pilersitsisarmata.

Meeqqanut Atuafeqarnermullu Ingerlatsivimmit kissaatigineqarpoq kommunip meeqqaanut immikkut pisariaqartitsisunut atuareernerup kingorna ornittagaqalernissaa Aqqaluup ilaani. Taamaaliornerup kinguneraa immikkoortortap ilaata matusariaqarnera meeqqat immikkut pisariaqartitsisut inissaqartinniarlugit. Meeqqanut immikkut pisariaqartitsisunut inissaq ataaseq meeqqanut marlunnik naleqartarmat. Kiisalu meeqqat ataasiakkaat tamarmik immikkut ikiorteqartinneqartarmata immikkut inigisassaminni neqeroorutiginiaakkatsinni.

Ataatsimut pisariaqartitaq tassaavoq ornittakkatut neqeroorutip Aqqalummi atuisut amerlassusaasa 70-niit 40-nut appartinnissaat, tassa 30-nik apparlugit. Immikkoortortassaq meeqqanut arfineq pingasunut inissaqassaaq 6-linniit 14-nut ukiulinnut, taamalu massakkumut Pakkummut



Nuussuarmiikkallarmat inissinneqarnissaminnut utaqquisut isertinneqarsinnaalissallutik. Aqqalummi atuisut taamaalillutik 48-nut inissaqalissapput.

Aqqalummi atuisartut ikilagaluartut sulisunik ikilisaanermik kinguneqartinneqassanngilaq, sulisut ilaat Pakkummi sulisutut ikkunneqassagamik.

Meeqqanut Atuarfeqarnermullu Ingerlatsiviup nalilerpaa neqeroorutip Aqqaluup atuisuiniq appaanerup kingunerisaanik piffissaq ilaani atuarfiusup nutaap aallartinnerani inissanik amigaateqalertussaaneq, Aqqalummi atuisartut nalunaarsuutaani takuneqarsinnaammat atuarfiusup aallartinnerani qaammatini siullerni atuisut amerlariarlutik ikiliartulertortartut. Atuarfiusup ingerlanerani ikiliartuaarusaartuartarput.

Ilisimatitsissutitut ilanngussinnaavarput 1. august 2022 meeqqat 50-it Aqqalummi atuisutut allaqqammata. Septembarilli 21-ani atuisut 37-iinnanngoreersimallutik, massakkut apparfissatut killigititassaq ataallugu Ingerlatsiviup appaanissamut innersuussutaatut. Atuarfiusup nutaap aallartinnerani neqeroorutitut ornittagaq Inneruulat inissaqartuortarpoq Aqqalummi inissaaruttoqassagaluarpat. Augustip aallaqqaataani Innerulat ataatsimik inissaateqarput, septembarillu 21-ani 13-nik inissaateqarluni.

Meeqqanut Atuarfeqarnermullu Ingerlatsivimmit nuussinerup kingorna Umiامت ilassut Pakkummut atorsimasarput siunissami meeqqerivimmi inissanik amerlisaatitut atorneqalersinnaassasoq.

Ingerlatsivimmit aningaasatigut sulisoqarnikkullu naliliinerit

Soqanngilaq.

Suliffeqarfimmut Kiffartuussivimmit aningaasatigut naliliineq

Soqanngilaq.

Inatsisitigut tunngavissaq allakkallu tunngaviusumik uppersaataatallit

- Kulturikkut ingerlatsineq sunngiffimmilu sammisassaqaartitsineq pillugit Inatsisartut inatsisaat nr.5, 6. Juni 2016-imeersoq
- Inuit innarluutillit tapersorsorneqarnissaannut Inatsisartut inatsisaat nr.13, 12. Juni 2019-imeersoq
- Meeqqat tapersorsorneqarnissaannut Inatsisartut inatsisaat nr.20, 26. Juni 2017-imeersoq

Siusinnerusukku aalajangiinerit

Meeqqanut Atuarfeqarnermullu Ataatsimiititaq, 12.10.22:

Inassuteqaat akuersissutigineqarpoq.

Ilanngussat

Soqanngilaq.

IMMIKKOORTOQ 10: 2023-mi suliat allaaserineqarneri

Beslutning

Inassuteqaat akuersissutigineqarpoq.

Ilanngussat

Bilag 1 - Kvalitetsstandarder 2023 KAL.pdf



2023-mi suliat allaaserineqarneri

Aalajangiiffigisassaq

SagsID.: EMN-2022-06054

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ataatsimiititap Aningaasaqarnermut

Inuussutissarsiornermullu Ataatsimiititamut inassuteqaatigaa:

- 2023-mi suliat allaaserineqarneri akuersissutigineqassasut
- suliaq aalajangiiffigisassanngorlugu Kommunalbestyrelsimut ingerlateqqinneqassasoq

Suliassamik saqqummiussineq

Suliat allaaserineqarneri ukiut tamaasa nutarterneqartassapput politikikkullu akuerineqarlutik.

Suliat allaaserineqarnerisa ukiumut ataasiarlugit nutarterneqarnerini neqeroorutaasutut allaaserisat politikikkut anguniakkanut, inatsisinut neqeroorutinullu naapertuuttuunersut qulakkeerneqartartussaavoq.

Suliat allaaserineqarneri tassaapput Isumaginninnermut Suliffeqarnermullu Ingerlatsivimmit innuttaasunut neqeroorutit innersuussutigineqarsinnaasut ataatsimut takussutissartai. Politikikkut sakkussaallutillu innuttaasunik kiffartuussinermi ersarissuutisillutillu assigiissaarinissamik qulakkeerutaasut aamma tulleriissaarisartut sulisunullu tamakkuninnga suliaqartunut sulinerannut najoqqutassiaallutik.

Aaqqiissutissatut siunnersuut – suliatigut naliliineq

2022-mi suliat allaaserineqarnerinut ilanngussaqartoqarpoq. Tulliuttuni aaqqiissutit pingaarnerit allaaserineqarput.

Paasissutissat nalinginnaasut

- Suliat allaaserineqarneri ingerlatsivimmit neqeroorutigineqartunut eqquutsinneqarniassammata naleqqussagaapput
- Suliamik suliaqarnermi piffissaliussat misissorneqarput. Suliffeqarnermut tunngasuni suliffeqanngikkallarnermi ikiorsiissutit pillugit inatsimmut nutaamut naleqqussarniarlugit nutarterneqarput
- 2023-mi inatsisip nutaap atuutilernissaannut tunngatillugu inatsisitut tunngavissaq misissorneqarpoq immikkoortunilu allannguuteqarfiusuni nutarterneqarlutik

Utoqqarnik suliassaqarfik

- Innersuussisarnermi piumasaqaatit ikiorsiissutillu annertussusai "Utoqqarnut inunnullu innarluutilinnut inissiat naleqqussakkat" innuttaasut pisariaqartitsinerpaat ikiorsiissutinik tunineqarnissaat qulakkeerniarlugu nutarterneqarput
- "Nammineq angerlarsimaffigisami isumassorneqarnissamut tapersiisarneq" pillugu ikiorsiissuteqarnissamut tunngavissaq ersarissarneqarpoq, taamaalilluni isumassuisumut piumasaqaatit ersarinnerulerniassammata
- Innuttaasut utoqqaat innarluutillit "Sammisassatut neqeroorummut biiliussineq" pillugu innersuunneqarnermillu akeqanngitsumik angallanneqartartut ersarissarneqarpoq
- Tasiilani "Angerlarsimaffimmi ikiorteqarneq" pillugu ulloq unnuarlu sulisoqarnissaq qulakkeerneqarsinnaanngimmat nutarterneqarpoq
- Ikiorsiissut "Nerisaqartitsineq" pillugu pajussinissamut nammineq najugaq nalunaarutigineqartassasoq piumasaqaataasoq ersarissarneqarpoq



- Ikiorssiissut "Aputaajaaneq" pillugu Kommuneqarfik Sermersuup inissiatileqatigiiffiillu akornanni akisussaaffimmik agguataarineq ersarissarniarlugu kiisalu ikiorssiissuteqartarnermut pissutsinut piviusunut naleqqussarniarlugit ersarissarneqarpoq

Inunnut innarluutilinnut aamma tarnimikkut innarluutilinnut tunngasut

- Suliatigut periuuseq pillugu immikkoortoq nutarterneqarpoq
- Pillorissaasut aammalu timimik sungiusaasut suleqatigiinni sungiusarnerup ingerlanneranut piffissaliussaag nikerarsinnaasunngorlugu suliarineqarpoq, taamaalilluni innuttaasut pisariaqartitsinertik malillugu kiffartuunneqarsinnaaniassammata

Oqartussaaffeqarfik

- Oqartussaaffeqarfimmi sulinermut tunngatillugu Kommuneqarfik Sermersuumi Angerlarsimaffeqaanngitsuuneq pillugu periusissaq aamma Angerlarsimaffeqaanngitsuuneq pillugu immikkoortumut pilersaarut najoqqutassatut ilanngunneqarput
- Attaveqarfissanut paasissutissat nutarterneqarput, taamaalilluni innuttaasut Oqartussaaffeqarfimmut toqqaannartumik attavigineqarsinnaassapput

Suliffeqarnermut tunngasut

- Innuttaasut "Piorsaavik"-mi ingerlatsisinnaasut ukiui qaffanneqarput
- "Piorsaavik"-mi ingerlatat sivisussusai sivikillineqarput, taamaalilluni ikiorssiissutinut neqeroorutigineqartartunut piviusunut naleqqussarneqarlutik
- Suliat allaaserineqarneri "Nikerartumik suliffik" immikkoortumi inatsimmut naleqqussarlugu nutarterneqarpoq

Ingerlariaqqinnissaq

Allannguutit akuersissutigineqassappata allaaserisat iluarsisat malillugit ingerlatsivimmi suliffeqarfiit sulissapput.

Suliat allaaserineqarneri kommunip suliffeqarfiinut ingerlateqqinneqarnerisa saniatigut kommunip nittartagaanut ikkunneqassapput.

Ingerlatsivimmit aningaasatigut sulisoqarnikkullu naliliinerit

Suliat allaaserineqarnerinik suliaqarneq aningaasatigut sulisoqarnikkullu kinguneqassanngitsaq ingerlatsivimmit nalilerneqarpoq.

Suliffeqarfimmut Kiffartuussivimmit aningaasatigut naliliineq

Pisariaqaanngilaq.

Inatsisitigut tunngavissaq allakkallu tunngaviusumik uppersaataitallit

- o Suliat allaaserineqarneri inatsisinik atuuttunik aallaaveqarput. Kiffartuussinerni ataasiakkaani inatsit atuuttoq tunngavigineqartoq allassimavoq

Siusinnerusukkat aalajangiinerit

Suliffeqarnermut Isumaginninnermullu Ataatsimiititaq, 11.10.22:

Inassuteqaat akuersissutigineqarpoq.

Ilanngussat

1. 2023-mi Suliat allaaserineqarneri

IMMIKKOORTOQ 11: Kommunitut pilersaarummut tapiliussatut siunnersuut 1A13-2 Qimerlua, Nuuk

Beslutning

Inassuteqaat akuersissutigineqarpoq.

Ilanngussat

Kommunitut pilersaarummut tapiliussatut siunnersuut 1A13-2 Qimerlua, Nuuk



Kommunimut pilersaarummut tapiliussatut siunnersuut 1A13-2 Qimerlua, Nuuk

Aalajangiiffigisassaq

SagsID: EMN-2022-02396

Sanarfinermut Avatangiisinullu Ingerlatsivik - pisortaq Hans Ulrik Skifte / HUTS

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuusutissarsiornermullu Ataatsimiititamat inassuteqaatigaa:

- kommunimut pilersaarummut tapiliussassatut siunnersuut 1A13-2 Qimerlua, Nuuk tamanut tusarniaassutigineqarnissaa siunertaralugu akuersissutigineqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 1A13-2 Qimerlua, Nuuk, matumuuna saqqummiunneqarpoq.

Pilersaarusiortifigineqartoq 1A13 5,2 ha-it missaannik isorartussuseqartoq Nuup qeqqaniippoq. Kommunimut pilersaarummut tapiliussami 1A13-2 immikkoortup nunataa kiisalu pingaarnertut atuuffia inissianut siunertanut attatiinnarneqarpoq, taamaattorli immikkuaaluttut marluk atugassiissutigineqarput. Immikkuaaluttoq A, kitaatungaaniittoq, inissianut siunertanut, tassunga ilanngullugu kollegianik ilinniartunullu inissianik, sanaartornissamat aalajangersimasumik periarfissiisoqarpoq. Immikkuaaluttoq B, kangimut sammisumik, Qimerluata eqqaani inissianut pioreersunut.

Siunnersuut tamanut tusarniaassutigineqassaaq sap. ak. 6-ini.

Matumani Kommunimut pilersaarummut tapiliussassatut siunnersuutip 1A13-2-p akuersissutigineqarneratigut 1A13-1 atorunnaarsinneqassaaq.

Ingerlatsivimmit aningaasatigut sulisoqarnikkullu naliliinerit

Ingerlatsivimmi Kommunimut pilersaarummut tapiliussamik suliaqarnissami ukioq naallugu suliffiit 1/3 pisariaqartinneqassasut nalilerneqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatitalit

- Pilersaarusiortneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq
- Inatsisartut inatsisaa nr. 34, 9. december 2015-imeersoq
- Kommunimut pilersaarut digitaliusoq www.kp.sermersooq.gl

Siusinnerusukkat aalajangiinerit

Sanarfinermut Avatangiisinullu Ataatsimiititap, 06.10.22:

Inassuteqaat akuersissutigineqarpoq.

Uju Petersen (IA)-ip ataatsimiittarfimmiit anigallarpoq.

Ilanngussat

1. Kommunimut pilersaarummut tapiliussatut siunnersuut 1A13-2 Qimerlua, Nuuk

IMMIKKOORTOQ 12: Kommunitut pilersaarummut tapiliusseq 4B1-2 Naterna

Beslutning

Inassuteqaat akuersissutigineqarpoq.

Ilanngussat

Tusarniaanermut akissutinik suliaqarneq

Tusarniaanermi akissutit tiguneqartut

Kommunitut pilersaarummut tapiliusseq 4B1-2 Naterna



Kommunimut pilersaarummut tapiliusseq 4B1-2 Naternaq

Kommunimut pilersaarummut tapiliusseq inaarutaasumik akuersissutigineqarnera

Aalajangiiffigisassaq

SagsID.: EMN-2022-00470

Sanarfinermut Avatangiisinullu Ingerlatsivik – pisortaq Hans Ulrik Skifte/ HUTS

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsionermullu Ataatsimiititamut inassuteqaatigaa:

- kommunimut pilersaarummut tapiliusseq 4B1-2 Naternaq akuersissutigineqassasoq
- suliaq aalajangiiffigisassanngorlugu Kommunalbestyrelsimut ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 4B1-2 Naternaq matumuuna nutaamik saqqummiunneqarpoq.

Kommunimut pilersaarummut tapiliusseq 4B1-2 Naternaq kommunalbestyrelsimit ulloq 30. aggusti 2022 inaarutaasumik akuerineqarpoq. Ingerlatsivillu kingornatigut nakkutilliisut illui pillugit aalajangersakkanut kommunimut pilersaarummut tapiliussamiittumi annikitsumik kukkusoqarsimasoq paasisaqarpoq, kommunimut pilersaarummut tapiliussami uani iluarsineqartut.

siornatigut kommunimut pilersaarummi tapiliussami ulloq 30. auggusti akuerineqartumi tulliuuttut allaqqapput §20-p ataani 2. Atorneqarnera:

Imm. 2: Suliffeqarfinni mingutsitsinerusartuni suliffeqarfiit nakkutilliisuinut inissianik sanaartortoqassanngilaq, avatangiisimut peqqussummi kapitali 5-imi allassimasut malillugit.

Imm. 3: Suliffeqarfinni mingutsitsinerusartuni suliffeqarfiit nakkutilliisuinut inissianik sanaartortoqassanngilaq, avatangiisimut peqqussummi kapitali 5-imi allassimasut malillugit.

Aalajangersakkat taakkua marluk kommunimut pilersaarummut tapiliussami tulliuuttumut iluarsineqarput:

Imm. 2: Immikkoortup ilaani nakkutilliisunut inissialortoqarsinnaanngilaq Nakkutilliisumut inissiat peerneqassagaluarpata pilerseqqinneqarsinnaatitaassaangillat.

Kommunimut pilersaarummut tapiliusseq 4B1-2 Naternaq siunnersuutitut sapaatip-akunnerini arfineq-pingasuni tamanut tusarniaassutigineqarnikuvoq, piffissami marsip ulluisa 31-annit maajip ulluisa 26-ata 2022-p tungaanut. Piffissami tusarniaaffiusumi tusarniaanermut akissuteqaatit marluk tiguneqarput, taakkunanilu aappaa kingusinaartumik tiguneqarluni sulialli suliarineqarnerani ilanngunneqarluni. Taakku annikitsunik oqaasertaatigut arfinilinnik aaqiissuteqartitsissapput.

Pilersaaruserfigineqartoq 4B1 Naternaq 8,3 ha-it missaannik isorartussuseqarpoq, qoorortamiilluni immamiit 40 meterit missaannik qatsitsigisumiilluni, Ukkusissaq/Store Malenep 800 meterinik portussusillip paavaniilluni. Sumiiffik suliffeqarfiliorfissatut atugassiissutigineqassaaq, soorlu allaffeqarfiit, entreprenøreqarfiit, toqqorsiviit aamma quersuit, assassornermik suliaqarfiit, sannaviit, bussit illutassaat, tunisassiorfiit, angallassissutit, suliffissuit, ilioraaffiit, amerlasuunik pisiniarfiit teknikkikkullu atortulersuuteqarfiit.

Kommunimut pilersaarummut tapiliussami matumani suliniutinik arlalinnik aallartitsisoqarsinnaavoq, inissakillionnemik iluaallatsitsisinnaasunik (nunaminertat iluanni aammalumi sanaartorfioqqusaanngitsuni), aputaajaanermut tunngatillugu, biilit unittarfiinut aammalu immikkoortup ilaani isumannaatsumik angallannermut tunngatillugu. Sumiiffik sanaartorfissamik sinneqarunarpaq, taamaattumillu sinnaa avalleq atuarlugugu

annertusaasoqarsinnaalluni. Nunaminertat qanittuaniittut arlallit nunaminertamik atuinissamik piginnittumit taassuminnga atorneqartut ataatsimoortinneqassapput, suliffeqarfinnut inissiiffissanullu pisariinnerutitsinissaq pillugu.

Nunaminertat kujasissumiittut kommunimut pilersaarummut tapiliusaaq 4B1-1 akuersissutigineqarmalli annertusineqarnikuupput, mittarfiliornermut atatillugu nunaminertamik atuinissamik akuerineqartunut taartissatut. Angissutsit inissisimaffiillu taamaasillutik pilersaarummut uunga atatillugu nutarterneqassapput. Immikkoortup ilaata avannamut kangimut sammernngani sanaartorfissiaq 30 angallassissutitut tassani ilaallutik usisaatitut oqimaatsunut bussinullu sivisuumik inissiiffiliornissamut atugassiissutigineqarpoq. Kikkulluunniit akiliilluni biilinik inissiinissamut nunaminertami biilinik inissiiviliortoqassaaq.

Kkommunimut pilersaarummut tapiliusaaq 4B1-2-p akuersissutigineratigut kommunimut pilersaarut 4B1-1 atorunnaarsinneqassaaq.

Ingerlatsivimmit aningaasatigut sulisoqarnikkullu naliliinerit

Ingerlatsivimmi Kommunimut pilersaarummut tapiliussamik suliaqarnissami ukioq naallugu suliffiit 1/3 pisariaqartinneqassasut nalilerneqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaaq allakkallu tunngaviusumik uppersaatitalit

- Pilersaarusionerit aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisaa nr. 34, 9. december 2015-imeersoq
- Kommunimut pilersaarut digitaliusoq www.kp.sermersooq.gl

Siusinnerusukkat aalajangiinerit

Sanarfinermut Avatangiisinullu Ataatsimiititaq, 06.10.22:

Inassuteqaat akuersissutigineqarpoq.

Ilanngussat

1. Tusarniaanermut akissutit suliaqarneq
2. Tusarniaanermi akissutit tiguneqartut
3. Kommunimut pilersaarummut tapiliusaaq 4B1-2 Naternaq

IMMIKKOORTOQ 13: Kommunitut pilersaarummut tapiliussatut siunnersuut 4B4-2 Inuussutissarsiteqarfik, mittarfiup avannamut kangiitungaaniittoq, Nuuk

Beslutning

Inassuteqaat akuersissutigineqarpoq.

Ilanngussat

Kommunitut pilersaarummut tapiliussatut siunnersuut 4B4-2, Inuussutissarsiteqarfik, mittarfiup avannamut kangiitungaaniittoq, Nuuk

Kommunimut pilersaarummut tapiliussatut siunnersuut 4B4-2 Inuussutissarsiuteqarfik, mittarfiup avannamut kangiatungaaniittoq, Nuuk

Aalajangiiffigisassaq

SagsID: EMN-2022-07334

Sanarfinermut Avatangiisinullu Ingerlatsivik - pisortaq Hans Ulrik Skifte/ HUTS

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- Kommunimut pilersaarummut tapiliussassatut siunnersuut 4B4-2, Inuussutissarsiuteqarfik, mittarfiup avannamut kangiatungaaniittoq, Nuuk tamanut tusarniaassutigineqarnissaa siunertaralugu akuersissutigineqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 4B4-2 Inuussutissarsiuteqarfik, mittarfiup avannamut kangiatungaaniittoq, Nuuk, matumuuna saqqummiunneqarpoq.

Immikkuualuttoq 4B4-mi killiliussaq allanngortissaaq, tamannalu immikkuualuttunut 4E2-mut aamma 4D9-mut sunniuteqassaaq. Immikkuualuttoq 80 ha. miss. annertussuseqalissaaq. 4B4-mi nunami Nuup Kangerluata tungaanut avammut sammisumi sivinganeq, Quassussuaq tunuatungeralugu ilaapput. Immikkuualuttumi aqqusiniliortoqarnikuuvoq, kisiannili 4B4 sanaartorfiunngilaq.

Immikkuualuttup atornerqarnera inuussutissarsiutinut kiisalu peqatigiiffinnut siunertanut aalajangersarneqassaaq, taakkununga nunaminertat maannakkut amigaataapput. Sukisaarsaarluni aquteeqqat, immikkuualuttumiittut, immikkoortumi aqqutiliornikkut qulakkeerneqassapput.

Immikkoortumi isertitsivik kisimi illuuvoq, tamannalu illuliortaatsikkut naleqaqaaq. Taamaasilluni kommunimut pilersaarummut tapiliussamat siunnersuummi matumani immikkoortumeereersut sanaartukkallu nutaat ataqatigiinnissaat qulakkeerniarlugu aalajangersakkat suliarineqarput.

Ingerlatsivimmit malugeqquneqarpoq sanaartorfissiat aatsaat makitsissutigineqassammata mittarfittaap qaqugu atornerqalernissaa ilisimaneqalerpat, immikkoortumi sanaartornerup mittarfiliorneq kinguartissanngimmagu.

Siunnersuut sapaatip-akunnerini arfineq-pingasuni tamanut tusarniaassutigineqassaaq. Matumani Kommunimut pilersaarummut tapiliussassatut siunnersuutip 4B4-2 akuersissutigineqarneratigut kommunimut pilersaarummut tapiliussaq 4B4-1 atorunnaarsinneqassaaq.

Ingerlatsivimmit aningaasatigut sulisoqarnikkullu naliliinerit

Kommunimut pilersaarummut tapiliussamik suliaqarneq illoqarfimmi pilersaarusiortumut ataatsimut ukioq naallugu suliffiit 1/3 pisariaqartinneqassasut nalilernerqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.



Inatsisitigut tunngavissaq allakkallu tunngaviusumik uppersaatitalit

- Pilersarusiorneq aamma nunaminertat atornerartarnerat pillugit Inatsisartut inatsisissaat nr. 17, 17. november 2010-imeersoq
- Inatsisartut inatsisissaat nr. 34, 9. december 2015-imeersoq
- Kommunimut pilersaarut digitaliusoq www.kp.sermersooq.gl

Siusinnerusukkat aalajangiinerit

Sanarfinermut Avatangiisinullu Ataatsimiititaq, 06.10.22:

Inassuteqaat akuersissutigineqarpoq.

Ilangussat

1. Kommunimut pilersaarummut tapiliussassatut siunnersuut 4B4-2, Inuusutissarsiuqarfik, mittarfiup avannamut kangiatungaaniittoq, Nuuk

IMMIKKOORTOQ 14: Tasiilami Paamiunilu inissialiortiterneq

Beslutning

Inassuteqaat akuersissutigineqarpoq imatut allannguutitalerlugu: Suliaq Kommunalbestyrelsimut alaajangiiffigisassanngorlugu ingerteqqinneqarpoq.

Ilanngussat

Kommunimut pilersaarummut tapiliussaq 30A11-1, Tasiilap kujataata kangiani inissiaqarfissaq nutaaq 2016-imi juunimeersoq

Tasiilami inissialiortitserneq pillugu Iserit A/S-ip 23. aggusti 2022 oqaaseqaataa



Tasiilami Paamiunilu inissialiortiterneq

Sanaartugassatut pilersaarutit nr. 100105-004 siunertatut ima normullit 1001054011 "Tasiilami Paamiunilu inissialiortiterneq" aallartinneqarnissaannut akuersineq

Aalajangiiffigisassaq

SagsID.: EMN-2022-07562

Sanarfinermut Avatangiisinullu Ingerlatsivik – pisortaq Hans Ulrik Skifte / HUTS

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- sanaartugassatut normu 100105-004 Tasiilami Paamiunilu inissialiortiterneq 2022-miit 2026-mut ingerlanneqartussa qatillugit 45 mio. kr.-inik naleqartussa taarsigassarsititsilluni aningaasaliinermit allangortinneqarnissaa akuersissutigineqassasoq
- Kommuneqarfik Sermersuup 45 mio. kr.-it 2022-mi Iserit A/S-imut akiliutigissagai akisussaassusiliilluni taarsigassarsiatut taakkulu agguataarneqassasut 2022-mi 3 mio. koruuninut kingornalu 2026-p tungaanut ukiuni sisamani ukiumut 10,5 mio. koruunit
- Iserit A/S-ip inissiat sanaartorneqarnissaat kingornalu ingerlatarinissaat pillugit allaffeqarfik ilitsersuinissamut pisinnaatinneqassasoq
- inissiat angissutsimikkut pisariaqartinneqarnerpaasut pingaarnersiorneqarnissaannut allaffeqarfik Iserit A/S suleqatigalugu pisinnaatinneqassasoq
- aningaasat 45 mio. kr.-it tamarmik Tasiilami blokkit marluk Paamiunilu blokki ataaseq sanaartornissaannut atorneqassasut
- suliaq ilisimatitsissutitut Kommunalbestyrelsimut ingerlateqqinneqassasoq

Suliassamik saqqummiussineq

Pilersaarutip normuanut 100105-004 Tasiilami Paamiunilu Inissialiortiternissamut aningaasaliissutit sanaartugassanut massakkut agguataarneqarneri malillugit 2022-mi pilersaarusiorsinnaaneq aamma 2023-2026-mut ukiumut 10,5 kr.-it atorlugit inissialiorsinnaaneq periarfissaqartippaat.

Tasiilami Paamiunilu inissianik pisariaqartitsineq allaffeqarfimmit aamma Iserit A/S-imit ataatsimut nalilerneqarpoq.

Tasiilami pissutsit atuuttut:

- Kalaallit Nunaanni Naatsorsueqqissaartarfik ikioqatigalugu Kommunip nammineq naatsorsuinerata, ersersippaa Tasiilami 2021-mi innuttaasut 1.916-iusut tassalu 2011-miit 182-inik ikileriarsimasut. Allatut oqaatigalugu Tasiilami innuttaasut Paamiunut sanilliullugit amerlanerupput annikinnerusumillu ikiliortorlutik
- Iserit A/S-ip ilanngussaq 2-mi nassuiaataani utaqqisunut allattorsimaffimmi 298-it nalunaarsorsimapput. Inissiaatileqatigiiffiup ilisimatitsissutigivaa, inissiamik utaqqineq ukiunik pingasunik sivisussuseqartoq, aamma eqqaani nunaqarfinniit nutsertoqartuortoq
- Sanaartorerup sukkanerusumik aallartinneqarnissaa eqqarsaatigalugu inissisimaffissaatut toqqarneqarpoq immikkoortoq kommunimut pilersaarummut tapiliussartalik, pilersaarutigineqartumut naleqquttoq. Kommunimut pilersaarummut tapiliussaq 30A11-1, 2016-imi juunip qaammataaneersoq, tassani immikkoortup ilaa nutaatut akuleriinnik inissialiortifissatut atugassanngortinneqarpoq, pingasunut aggulullugu quleriit pingasunngorlugit sanaartorfiusinnaasutut. Inissialiat, isikkivik eqqarsaatigalugu, soorlu sanaartorfiup avanna tungaaniittut, pukkinningorlugit inissinneqarput. Immikkoortoq

- kuuffissualersoriigaavoq innuttaasullu peqqinnissaat eqqarsaatigalugu pissutsinik pitsaanerulersitseqataassaaq
- Imikoorummut pilersaarut atuuttoq naapertorlugu Tasiilap illoqarfiata pingajorarterutaannaa kuuffissualersugaavoq, imikoorummullu pilersaarummi anguniarneqartut eqqarsaatigalugit Iserit A/S-ip allaffeqarfiullu inissisismaffissaatut toqqarpaat qulaani kommunimut pilersaarummut tapiliussaq taaneqartoq tassani immikkoortoq 2022-mi sanaartofissagissarsimasooq. Kommunimut pilersaarummut tapiliussaq tamaat isigalugu katillugit inissianut 2000 m2 missaanniittoq sanaartorfingeqarsinnaavoq taakkunanilu quit assigisaallu sanaartorfissanut atatinneqassapput sanaartukkat pisariaqanngitsumik siammasissuutikkusunngit
 - Immikkoortoq siunnersuutigineqartoq atorineqarpat nutaamik kommunimut pilersaarummut tapiliussamik suliaqarnissaq pisariaarutissaaq

Pissutsit Paamiuni atuuttut:

- Tunngaviatigut aamma ataatsimut isigalugu inissiat naammapput, inissiat piumaneqartut (mikinerusut) inoqanngitsullu (anginerusut) akornanni nikingassutaasoq eqqassaangikkaani. Paamiuni inoqanngitsut arlallit Namminersorlutik Oqartussanit pigineqarput. Iserit A/S-ip ilanngussaq 2-mi nassuiaataa naapertorlugu utaqqisunut allattorsimaffimmi 49-t nalunaarsorsimapput. Ilimanarluinnarpoq arlallit inigisaminniit inissianut mikinerusunut nuukkusuttoqarnissaa, taakkulu illoqarfimmi amigaataapput
- Kalaallit Nunaanni Naatsorsueqqissaartarfik ikioqatigalugu Kommunip nammineq naatsorsuinerata, ersersippaa Paamiuni 2021-mi innuttaasut 1.247-sut, tassalu 2011-miit 467-inik ikileriaateqarsimallutik
- Paamiut pillugit Kommunimut pilersaarutip pingaarnertut ilusaani illoqarfioersooq eqiteruffiussaaq. Blok O-p inissisimaffigisimasaa ingutserneqarsinnaavoq inissialiorfigalugulu
- Immikkoortup ilaa pigineqareersooq sukumiisumik aalajangersaaffigineqanngilaq taamaalillunilu nutaamik sanaartornissamat kommunimut pilersaarummut tapiliussamik nutaamik suliaqartoqartariaqarani

Pilersaarutit kommunimut pilersaarummut tapiliussamereerput, pilersaarutigineqartullu Tasiilami sanaartorfissani sanaartorfissarneqareersuni sananeqarsinnaapput. Iseritip sukkasuumik inissiat pillugit 2022-mi ukiakkut suliaqarneratigut Iseritimiit naatsorsuutigineqarpoq suliariumannittussarsiuussineq entreprenørillumu ajugaasumik isumaqatigiissuteqarluni atsiorneq 2023-mi marsi pisinnaasoq, tamatumalu kingorna sanaartorneq aallartinneqarsinnaalissaaq sanaartukkat 2025-2026-mi naammassineqarlutik.

Ingerlatsivimmit aningaasatigut sulisoqarnikkullu naliliinerit

Pilersaarusiariineqartumut normu 100105-004 Tasiilami Paamiunilu inissialortiternermut aningaasaliissutit, 2022-miit 2026-mut ingerlanneqartussaq, katillugit 45 mio. kr.-inik naleqartussaq, taarsigassarsititsilluni aningaasaliinermut allanngortinneqarnissaa allaffeqarfimmit matumuuna inassutigineqarpoq. Taamatut inaassuteqarnikkut, sanaartugassanut ataatsimut aningaasaliissutit akisussaassusiliilluni taarsigassarsiassanngorlugit allanngortinneqassasut, taakkulu kommunip inissiaatileqatigiiffianut Iserit A/S-mut tunniunneqassasut, allaffeqarfimmit anguniarneqarpoq. Taamatut iliornikkut Iserit A/S inissiat ataatsikkut pilersaarusiortilugillu sanaartorneqarnissaannut akissaqartinneqalissaaq tassani annertuumik ingerlataqarnermi iluaqutissat iluaqutigalugit. 2022-mi missingersuutit isumaqatiginniutigineqarnerat naapertorlugu tassani politikikkut sorsuutigineqarpoq Iserit A/S tassaassasooq kommunimi tamarmi inissialortiternermik kommunillu nalinginnaasumik inissiaataanik ingerlatsisuunissaa pillugu.

Kommunip pisinnaatitsissutit agguataarneqarnerinut pilersaarutaa atuuttoq malillugu:

- Ilassutitut aningaasaliissutit aamma aningaasaliissutit allamut inissinneqartut allaffeqarfimmit aamma aningaasaqarnermut ataatsimiititamit Kommunalbestyrelsimut aalajangiiffigisassanngortinneqartarput
- 2 mio. kr.-it sinnerlugit nalilinnik isumaqatigiissuteqarneq aamma/imaluunniit ukiunut arlalinnut missingersuusiorfiusut Aningasaqarnermut Inussutissarsionermullu Ataatsimiititamut inassutigineqarlutillu akuerisassanngortinneqartarput kingornalu Kommunalbestyrelsimut ilisimatitsissutigineqarlutik.

Allaffeqarfiup naliliinera tassaavoq, aningaasat tamarmik 45 mio. kr.-it Tasiilami kisimi atorneqassasut tulliuuttut pissutigalugit:

- Inissanik pisariaqartitsivinnek Tasiilamiippoq
- Siunertamut kommunimut pilersaarummut tapiliussaqaareerpoq, 2022-mi sanaartorfissagissaanerup inaarsarneqarneranik ilalik aamma kuuffissualersoriigaq
- Kommunip massakkut sanaartorfissagissaanermut aningaasartuutai kommunip karsianut sukkasuumik utertinneqartussaapput taakkulu kommunimi sanaartorfissagissaanissanut allanut, taamatut pisariaqartinneqarnerusunut, tutsinneqarsinnaapput

Qulaani taaneqartoq ataatsimoortumik sanaartornikkut kvadratmeterit sanaartorfiusut amerlanerusut pissarsiarineqarsinnaaneramik kinguneqarsinnaavoq, pingaartumik aallarnisarnermut pilersaarusionermullu aningaasartuutit annikillissussaammata, aamma entreprenøri kommunip ukiumoortumik ukiunut arlalinnut aningaasaliissutaanik killilerneqarani sukkassusissaminik sanaartornissaa periarfissaqalissaaq.

Politikkikkut sammivigineqartoq attatiinnarneqassagaluarpat, Tasiilami Paamiunilu inissialiortoqarluni, taava allaffeqarfiup Iserit nassuiaateqaqquaa illoqarfinni arlariinni inissianik mikinerusunik sanaartornerup aningaasaqarnikkut qanoq nassataqarnissaanut tunngatillugu:

- Aningaasat 45 mio kr.-it atorlugit inissiat 12-18-it, 40-60 m²-it, sanaartorneqarsinnaapput taakkulu Paamiut Tasiilallu akornanni agguataarneqarlutik
- Ullunik uiguleriiaanik, 6-inik mikisunik inissiartalinneq, sanaartornermi missiliorneqarpoq illup uiguleriiaap ataatsip sananeqarneranut aningaasartuutit 13,7-14,4 mio. kr.-ussasut. Piviusumik illut uiguleriiaat 3-t pineqarput, Paamiut Tasiilallu akornanni agguataarneqartussat
- Inissiamut marlunnik initalimmut akiliut missiliuineq tunngavigalugu 3.279 - 3.195 kr.-nik akeqassasoq nalilerneqarpoq
- Inissiamut pingasunik initalimmut akiliut missiliuineq tunngavigalugu 4.918 - 4.792 kr.-nik akeqassasoq nalilerneqarpoq

Illoqarfiit taakku marluk akornanni inissiat qanoq agguataarneqarnissaat kingornalu aallartinneqarnissaat politikikkut aalajangiiffigineqareerpat, allaffissornikkut kommunip aamma Iserit A/S-ip akornanni missiliuinerit ersarinnerusut suliarineqarsinnaalissapput, aningaasaliissutit taakku atorlugit inissiat qanoq amerlatigisut sananeqarsinnaanerinut, ataatsimut kvadratmeterit ilanngullugit, aalajangerneq pingaaruteqarmat.

Tasiilami inissialornermut tunngatillugu aningaasaliissutit Sanaartorfissagissaaneq Tasiilaq 30A11-mit 8,5 mio. kr.-it nunaminertamik atugassinneqarnermi pineqassapput.

Siunnersuutigineqartoq Namminersorlutik Oqartussat Iserit-ip attartornissaa pillugu akuersissuteqarnissaannik pisariaqartitsivoq, Kommunit suliffeqarfinnik pigisaasa sanaartukkanillu pigisaasa ilaasa pisiarinerinut, qularnaveeqqusernerinut attartornerannulluunniit akuersisarneq pillugu Inatsisartut inatsisaat nr. 23, 28. november 2018-imeersoq tunngavigalugu.



Suliffeqarfimmut Kiffartuussivimmit aningaasatigut naliliineq

Tasiilami inissaaleqinerujussuup iliuseqarfiginissaanut aningaasaliissutissat atorneqassasut Suliffeqarfimmut Kiffartuussivimmit akuerineqarsinnaavoq.

Inatsisitigut tunngavissaq allakkallu tunngaviusumik uppernarsaatitalit

- Sanaartorneq pillugu Inatsisartut inatsisaat nr. 13, 26. maj 2010-meersoq
- Kalaallit Nunaanni Illuliornermut Malittarisassat
- Inatsisit aamma Aktieselskabit
- Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. november 2016-imeersoq
- Kommunit suliffeqarfinnik pigisaasa sanaartukkanillu pigisaasa ilaasa pisiarinerinut, qularnaveeqqusernerinut attartornerannulluunniit akuersisarneq pillugu Inatsisartut inatsisaat nr. 23, 28. november 2018-imeersoq
- 2022-mut missingersuutit Kommuneqarfik Sermersooq

Siusernerusukkut aalajangiinerit

Sanarfinermut Avatangiisinullu Ataatsimiititaq, 06.10.22:

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- sanaartugassatut normu 100105-004 Tasiilami Paamiunilu inissialiortiterneq 2022-miit 2026-mut ingerlanneqartussaq katillugit 45 mio. kr.-inik naleqartussaq taarsigassarsititsilluni aningaasaliinermut allanngortinneqarnissaa akuersissutigineqassasoq
- Kommuneqarfik Sermersuup 45 mio. kr.-it 2022-mi Iserit A/S-imut akiliutigissagai akisussaassusiliilluni taarsigassarsiatut taakkulu agguataarneqassasut 2022-mi 3 mio. koruuninut kingornalu 2026-p tungaanut ukiuni sisamani ukiumut 10,5 mio. koruunit
- Iserit A/S-ip inissiat sanaartorneqarnissaat kingornalu ingerlatarinissaat pillugit allaffeqarfik ilitsersuinissamut pisinnaatinneqassasoq
- inissiat angissutsimikkut pisariaqartinneqarnerpaasut pingaarnersiorneqarnissaannut allaffeqarfik Iserit A/S suleqatigalugu pisinnaatinneqassasoq
- aningaasat 45 mio. kr.-it tamarmik Tasiilami inissialiortiternermut atorneqassasut
- suliaq Aningaasaqarnermut Inuussutissarsiornermullu Ataatsimiititamut aalajangiiffigisassanngorlugu kiisalu Kommunalbestyrelsimut ilisimatitsissutitut ingerlateqqinneqassasoq

Inassuteqaat akuersissutigineqarpoq, ima allannguutitalerlugu, inassuteqaat 5 peerneqassaaq, aamma Tasiilami blokkit marluk Paamiunilu blokki ataaseq sananeqassapput.

Ilanngussat

1. Kommunimut pilersaarummut tapiliusaaq 30A11-1, Tasiilap kujataata kangiani inissiaqarfissaq nutaaq 2016-imi juunimeersoq
2. Tasiilami inissialiortitserneq pillugu Iserit A/S-ip 23. agusti 2022 oqaaseqaataa

IMMIKKOORTOQ 15: 4A8-mi sanaartorfissagissaanissaq pillugu Nukissiorfiit suleqatigiinnissamik isumaqatigiissusiorfigineqarnerat

Beslutning

Inassuteqaat akuersissutigineqarpoq.

Ilanngussat

Kommuneqarfik Sermersuup aamma Nukissiorfiit 4A8-mi aamma 4C3-mi sanaartorfissagissaanissamik suleqatigiinnissamik isumaqatigiissutaat

Sanaartorfissagissaanermut A-mik missiliuut

Bilag 3 - Kommuneplantillæg 4A8-1_Ningitsivik_kal.pdf

Bilag 4 - Kommuneplantillæg 4C3-1_Ningitsivik_kal.pdf

4A8-mi sanaartorfissagissaanissaq pillugu Nukissiorfiit suleqatigiinnissamik isumaqatigiissusiorfigineqarnerat

Aalajangiiffigisassaq

SagsID.: EMN-2022-07518

Sanarfinermut Avatangiisinullu Ingerlatsivik - pisortaq Hans Ulrik Skifte / HUTS

Inassuteqaat

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- Nukissiorfiit (Ilanngussaq 1) 4A8-mi aamma 4C3-mi sanaartorfissagissaanissamik isumaqatigiissuteqarfigineqarnerat akuersissutigineqassasoq
- suliaq ilisimatitsissutitut Kommunalbestyrelsimut ingerlateqqineqassasoq

Suliassamik saqqummiussineq

NCD pilersaaruteqarfimmi 4A8-mi sanaartorfissagissaanermik isumaginnittuuvoq, tassani Sanarfinermut Avatangiisinullu Ingerlatsivik 2017-imi Nuummi Qinngutsinni immikkoortup ilaa pillugu kommunimut pilersaarummut tapiliussaliorpoq. Inissialiornissamut sanaartorfissat 42-t atugassiissutigineqarput, pilersaarutaavorlu taakku akuleriissinneqassasut, tassa ilaqutariinnut ataatsimut illunut, illunut affarleriinnut aamma inissianut uigusatut isikkulinnut imminnut nikingasunut Kingullit taaneqartut quleriit marluk tikillugit portutigisunik sanaartorneqarsinnaapput.

Sanaartorfissagissaaneq ingerlavoq, 2024-milu naammassineqassangatinneqarluni, suliamilu pineqarlutik innaallagissamik imermillu pilersuutit aamma oqarasuaammut aqquutit kiisalu kuuffiit, aqquserngit qullersuarnullu napparusersuineq. Suliaq NCD-mut suliakkiissutigineqarpoq ulloq marsip 19-ianni 2019. 2020-mi pilersaarummut neqeroortitsineq pivoq, isumaqatigiissusiorqarlunilu. Sanaartorfissagissaaneq 2021-mi aasakkut aallartinneqarpoq. 2021-mi NCD Kommuneqarfik Sermersooq sinnerlugu Nukissiorfiit aamma Tusass isumaqatiginninniarfigivaa, aningaasartuutillu ima agguarneqarput:

- | | |
|-----------------------|-----------------|
| - Sermersooq:..... | 29.666.895 kr.* |
| - Nukissiorfiit:..... | 9.885.000 kr. |
| - Tusass:..... | 342.105 kr. |

*Taamanimiilli aningaasartai 2 mio. kr.-nik annertunerupput, tamannalu Sanarfinermut Avatangiisinullu Ataatsimiititami aamma Aningaasaqarnermut Inuussutissarsiornermullu Ataatsimiititami ulluni februaarip 24-anni 2022 aamma marsip 17-ianni 2022 akuersissutigineqarpoq, taamaalilluni sanaartorfissat amerlanerulersinneqarlutik aamma sanaartorfissat immikkut tamarmik sanaartorfissagissaanermut akiliutissartaa apparneqarluni.

Kommunip akiliutissaa ukiuni 2022-24-ni ima agguataarneqassangatinneqarpoq:

- | | |
|--------------|----------------|
| - 2022:..... | 14.350.000 kr. |
| - 2023:..... | 14.350.000 kr. |
| - 2024:..... | 3.050.000 kr. |

Pilersaarut konto pingaarnermi A60-070103-007 Attaveqaatinut sanaartorfissagissaanermullu Aningaasaliissutit missingersuusiorneqarpoq.

Nukissiorfiit tapiissutaat pingasunngorlugu agguarlugu tiguneqassaaq, imaalillugu siunnersuutigineqarluni:

- 2022:.....	4.448.250 kr.
- 2023:.....	4.448.250 kr.
- 2024:.....	988.500 kr.

NCD isumaqatigiissusioereeraluartoq Nukissiorfiit aamma Kommuneqarfik Sermersuup akornanni isumaqatigiissutigineqassaaq, tamanna pillugu isumaqatigiissut Kommuneqarfik Sermersuumi pisinnaatitsissutit agguataarneqarnerinut pilersaarut naapertorlugu politikikkut akuersissutigisassanngorlugu saqqummiunneqarpoq. Isumaqatigiissummi aamma sumiiffik 4C3 ilaavoq, tassanili pilersaarusiornissamut qinnuteqaat tiguneqarsimavoq, pilersaarusiornermillu piginnittup sanaartorfissagissaanermi aningaasartuutit nammineq akilissallugit. Pilersaarusiornissamut qinnuteqaat Kommunalbestyrelsip ulloq februaarip 22-anni 2022 akuersissutigaa, pilersaarummilu tullinnguutissalluni pilersaarummik piginnittup kommunimut pilersaarummut tapiliussaliornissaa, taannalu politikikkut saqqummiunneqassaaq. Taamaalilluni isumaqatigiissummi suliaassartaa pineqartoq tassaalluni 4A8-mi sanaartorfissagissaaneq.

Nukissiorfiit sanaartorfissagissaanermut aningasanut inatsisikkut tapiissutinik ukiuni kingullerni appaavigineqarnikuunertik pillugu sanaartorfissagissaanermut atugassaat killeqarput, taamaalilluni Nukissiorfiit aningaasanut inatsimmi atorsinnaasaat naapertorlugu annertussusilerneqarpoq, 9.885.000 kr. Tamannalu pingaarnertut agguataariaatsimit allaaneruvoq, sanaartortitsisunut ataasiakkaanut sanaartugassaatitik nammineq akilertussaammattigit. Agguataariaaseq naapertorlugu imaattussaagaluarlutik Kommuneqarfik Sermersooq 22,3 mio. kr. miss. aamma Nukissiorfiit 17,3 mio. kr., tamannali pisinnaanngilaq Nukissiorfiit aningaasanut Inatsimmit aningaasaliiffigineqartarmat. Nukissiorfiit aningaasat atorsinnaasaat killeqarmata agguataariaaseq ukiuni kingullerni atorneqanngilaq.

Kommuneqarfik Sermersooq Nukissiorfiit sinnerlugu sanaartorfissagissaanermik isumaginnittuunissamut kingornalu sanaartorfissagissaasimanermut nalinginnaasumik akiligassanngortitsinissamut inatsisitigit tunngavissaqarpoq, tassa Kommuneqarfik Sermersuup aningaasartuutini nunaminertanik makitsisoqareernermi akiligassiissutigisarpai, Sanaartorfissagissaaneq, pisortat kuuffeqarfinnut aqqusersuutaat aamma pisortat aqqusiniutaat pillugit Inatsisartut inatsisaat nr. 16, 17. november 2010-imeersoq innersuussutigalugu. Taamaalilluni Kommuneqarfik Sermersuumut piffissap ingerlanerani aningaasaajaataassanani, taamaattorli nunaminertat makitsissutigineqanngippat allaalluni, maannakkullu nalorninarloqalaartoq nalilerneqarpoq. Tamatuma kingunerisaanik aningaasatigit atorsinnaasatigit artukkiisitsissaaq, taamaattumillu Nukissiorfiit isumaqatigiissusiorfiginerisigit tamanna pinngitsoorniarneqarluni. Sanaartorfissagissaanermut akiliummut tunngatillugu Nukissiorfiit kommunimut akiligassaannik akiliisitsisoqassanngilaq. Isumaqatigiissut akuersissutigineqassasoq ingerlatsivimmit innersuussutigineqarpoq.

Ingerlatsivimmit aningaasatigit sulisoqarnikkullu naliliinerit

Isumaqatigiissut piffissap ingerlanerani sanaartorfissagissaanermut akiligassanngortitsisoqarneratigit Kommuneqarfik Sermersuumut aningaasartuutaassanngilaq. Akerlianilli isumaqatigiissut kommunip 2022-2024-mi aningasat tigorianaataanut iluaqutaassaaq, isumaqatigiissummi aningaasat annertussusii kommunip aningaasanut tigorianaataanut iluaqutaassammata:

- 2022:.....	4.448.250 kr.
- 2023:.....	4.448.250 kr.
- 2024:.....	988.500 kr.

Isumaqatigiissut itigartinneqassappat kommunip aningaasanut tigeriaannaataanut sunniuteqarnerlussaaq, isertitassammi aatsaat 2024-miit isertinneqarsinnaalissapput, kingusinnerusukkullu isumaqatigiissutaasullu naapertorlugit nunaminertat makitsissutigineqarpata.

Suliffeqarfimmuk Kiffartuussivimmit aningaasatigut naliliineq

Suliffeqarfimmik Kiffartuussivimmiit oqaatigineqassaaq, kommunimi suliassat pingaarnerit nalinginnaasut aningaasaqarnikkut imminut napatitsisumik ingerlasartut pineqarput, naak kommunip aningasatigut atorsinnaasaatigut akilernerqaqqaartaraluartut. Tamatuma saniatigut ingerlatsiviup naliliinera Suliffeqarfimmik Kiffartuussivimmi isumaqatigineqarpoq.

Inatsisitigut tunngavissaq allakkallu tunngaviusumik uppersaaitallit

- Sanaartorfissagissaaneq, pisortat kuuffeqarfinnut aqqusersuutaat aamma pisortat aqqusiniutaat pillugit Inatsisartut inatsisaat nr. 16, 17. november 2010-imeersoq
- Kommuneqarfik Sermersuumut piginnaatitsinermik agguataarinissamut pilersaarut

Siusinnerusukkat aalajangerit

Sanarfinermut Avatangiisinullu Ataatsimiititaq, 06.10.22:

Inassuteqaat akuersissutigineqarpoq.

Aningaasartuutit 2 mio. kr.-nik ilaneqarnissaat politikikkut siusinnerusukkat oqaluuserineqarpoq:

Aningaasaqarnermut Inuussutissarsionermullu Ataatsimiititami marsip 17-ianni 2022-mi

Sanarfinermut Avatangiisinullu Ataatsimiititami februaarip 24-anni 2022-mi

Inassutigineqartoq akuersissutigineqarpoq.

Ilanngussat

1. Kommuneqarfik Sermersuup aamma Nukissiorfiit 4A8-mi aamma 4C3-mi sanaartorfissagissaanissamik suleqatigiinnissamik isumaqatigiissutaat
2. Sanaartorfissagissaanermut A-mik missiliuut
3. Kommunimut pilersaarummut tapiliusaaq 4A8-1_Ningitsivik
4. Kommunimut pilersaarummut tapiliusaaq 4C3-1_Ningitsivik

IMMIKKOORTOQ 16: 2023-mut Missingersuutit aappassaaneerqarnerat

Beslutning

2023-mut akigitat akigitassatullu siunnersuutit Kommunalbestyrelsip ataatsimiinnissaanut kinguartinneqarlutik inassuteqaatit sinneri amerlanerussuteqartunit (IA & N) akuersissutigineqarput.

Inassuteqaatit ikinnerussuteqartunit Siumumit aammalu Demokratinit akuersissutigineqanngillat.

Ilanngussat

Eqitsit 1 - Ingerlatsineq

Eqitsit 2 - Sanaartorneq

Eqitsit 3 - Misissueqqaarinninnerit

Eqitsit 4 - Angusat aningaasalersuisarnermilu takussutissiaq

Akigitat - 2022

2023-mut akigitassanik siunnersuut

Akit allattorsimaffiat 2023

2023-mut missingersuutit pillugit isumaqatigiissut



2023-mut Missingersuutit aappassaaneerqarnerat

Aalajangiiffigisassaq

SagsID: EMN-2022-08425

Suliffeqarfimmut Kiffartuussivik - kommunaldirektøri Ole Jakobsen / OJAK

Inassuteqaat

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititamat inassuteqaatigaa:

- ingerlatsinermi allannguutissatut siunnersuutit tamarmik ataatsimut isigalugit akuersissutigineqassasut, eqitsit 1 innersuussutigalugu
- sanaartornermi allannguutissatut siunnersuutit tamarmik ataatsimut isigalugit akuersissutigineqassasut, eqitsit 2 innersuussutigalugu
- misissueqqaarnissamat pilersaarutit tamarmik ataatsimut isigalugit akuersissutigineqassasut, eqitsit 3 innersuussutigalugu
- Angusat aningaasalersuisarnermilu takussutissiamut allannguutit tamarmik ataatsimut isigalugit akuersissutigineqassasut, eqitsit 4 innersuussutigalugu
- akigitit aamma akigititassanut siunnersuut ataatsimut isigalugit akuersissutigineqassasut
- missingersuutit pillugit isumaqatigiissut akuersissutigisaq atsiugarlu tusaatissatut tiguneqassasoq
- missingersuutit suliarineqartut pingaarnersiunerit ilanngullugit akuersissutigineqarnissaannik, aappassaaneerinninnissamat Kommunalbestyrelsimut inassuteqaatigineqassasut

Suliassamik saqqummiussineq

Aningaasaqarnermut Inuussutissarsiornermullu Ataatsimiititap siunnersuutaa tunngavigalugu allaffeqarfimmiit 2023-2026-mut missinngersuutinut inaarutaasumik siunnersuuteqartoqarpoq, takussutissiat arlallit suliamut saqqummiussaliami matumani ilanngussatut ilanngunneqarlutik.

Takussutissiani pineqarlutik Aningaasaqarnermut Inuussutissarsiornermullu Ataatsimiititamit 2023-2026-mut missingersuutissatut siunnersuut aamma missingersuutit pillugit isumaqatigiissummi tunngaveqartut, partiini suleqatigiinnissamat isumaqatigiissimasuni isumaqatigiissutaasoq, ulloq 01. Novembari 2022.

Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaat nr. 26, 28. november 2016-imeersumi §21 naapertorlugu ukiumut missingersuutissanut siunnersuutit marloriarlugit suliarineqarneri minnerpaamik sapaatip akunnerinik marlunnik akunneqartumik Kommunalbestyrelsimi suliarineqassapput.

Missingersuutit siullermeerneqarnerat kommunalbestyrelsip oktobarip sisamaanni 2022 ataatsimiinnerani pivoq, novembarillu 29-anni 2022-mi kommunalbestyrelsimi aappassaaneerinninneq pilluni.

Novemberi 2022-mi Angusat aningaasalersuisarnermilu takussutissiaq ataatsimoortoq kiisalu missingersuutit pillugit politikkikkut isumaqatigiissuteqarnermi, kommunalbestyrelsip 2023-mut missingersuutinik siullermeerineranut atatillugu missingersuutissatut siunnersuutit akuersissutigineqarallartut arlallit ilaatigut ilaatinneqarput, ilaatigullu kingornatigut missingersuutissanut politikerit siunnersuutaat ilaqqinneqarlutik.

Suliamut saqqummiussaliamut matumunnga ilanngunneqarput, politikkikkut missingersuutit pillugit isumaqatigiissuteqarnermi takussutissaliamut, missingersuutit pillugit allaffissornermi siunnersuut saqqummiunneqarsimasoq, sanaartornermut missingersuutit, akitigut allannguutit aamma



missingersuutit pillugit politikikkut siunnersuutit tamakkiisut, taakkulu ataatsimut 2023-mi kommunimi missingersuutitut ilusiliipput.

Ingerlatsivimmit aningaasatigut sulisoqarnikkullu naliliinerit

Maanna missingersuutitut siunnersuut saqqummiunneqartoq sukumiisumik suliarineqarsimasut, tunngavilersorluagaasut aamma pissutsit piviusut misissueqqissaarnerillu tunngavigineqartut ingerlatsivimmit nalilernerqarpoq. Missingersuutit aqutsinermut atugassaapput, matumanilu allaffeqarfimmit politikerinillu missingersuutit, tassunga ilanngullugit imarisai piumasaqaatillu ilaasut, tutsuigineqarnissaat pisariaqarpoq. Taamaattorli pisoqarsinnaavoq, suliasat annertussusaat allanngorsinnaapput kiisalu tassanngaannartumik pisoqarsinnaavoq missingersuutitut siunnersuusiormi siumut naatsorsorneqarsinnaanngitsunik. Pissutsit taamaattut ukioq missingersuusiormi ilassutissatut aningaasaliissutitut ilaatinneqartassapput. Taamaattumik pisut pissutsillu nalinginnaasumik nakkutiginnikkut peqqissaarussinikkullu missingersuusiormi naatsorsuutigineqarsimasussaagaluartut ilassutitut aningaasaliissuteqartoqartillugu saqqummiunneqartassanngitsut paasissutissiissutigineqarnissaa pingaaruteqarpoq.

Suliffeqarfimmut Kiffartuussivimmit aningaasatigut naliliineq

Suliffeqarfimmut Kiffartuussivimmit naliliineq immikkoortumi qulaani takuneqarsinnaavoq, Suliffeqarfimmut kiffartuussivik suliamut uunga pineqartumut susassaqartuugami.

Inatsisitigut tunngavissaq allakkallu tunngaviumik uppersaatillit

- Kommunit Namminersorlutillu Oqartussat missingersuutaat naatsorsuu-taallu pillugit Inatsisartut Inatsisaat nr. 26, 28. november 2016-imeersoq
- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Kommuneqarfik Sermersuumi Aqutsinermut ileqqoreqqusat
- Kommuneqarfik Sermersuumi 2023-mut missingersuusiormi malittarisassat
- Kommuneqarfik Sermersuumut piginnaatitsinermik agguataarinissamut pilersaarut

Ilanngussat

1. Eqitsit 1 - Ingerlatsineq
2. Eqitsit 2 - Sanaartorneq
3. Eqitsit 3 - Misissueqqaarinninnerit
4. Eqitsit 4 - Angusat aningaasalersuisarnermilu takussutissiaq
5. Akigititat - 2022
6. 2023-mut akigititassanik siunnersuut
- 6a. Akit allattorsimaffiat 2023
7. 2023-mut missingersuutit pillugit isumaqatigiissut

IMMIKKOORTOQ 17: Lukket

IMMIKKOORTOQ 18: Lukket

IMMIKKOORTOQ 19: Lukket

IMMIKKOORTOQ 20: Lukket

IMMIKKOORTOQ 21: Lukket

IMMIKKOORTOQ 22: Lukket

IMMIKKOORTOQ 23: Lukket

IMMIKKOORTOQ 24: Lukket

IMMIKKOORTOQ .: Tamalaat

Beslutning

Inga Dora G. Makussen (S): Mailikkut sulisut pillugit ataatsimiititamut saaffiginnissutit arlallit pillugit oqaaseqarpoq.

IMMIKKOORTOQ .: Imaqarniliap akuerineqarnera

Beslutning

Imaqarniliaq akuersissutigineqarpoq nal. 16:35.